

玉海

三十六之八

藝文

漢書門	
二九八〇號	類
凡三函	
五八冊	

內閣文庫	
二九八〇號	漢書
凡三函	
五八冊	

類書二九五

十六

內閣文庫	
番號	漢 2980
冊數	58 (16)
函號	366 15



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM, Kodak



山海卷第三

漢六年文庫

浚儀王應麟伯厚甫



藝文

易下

擬易附

魏王弼注易

大衍論

易畧例

魏志鍾會論易無互體山陽王弼好論儒道辭才選


辨注易及老子荀融難弼大衍義王濟云見弼易注所誤者多孫盛曰雖有可觀恐

隋志周易十卷魏尚書郎王弼注六十四卦六

卷晉太常韓康伯注繫辭以下二卷弼又撰易畧例一

卷梁有周易難王輔嗣義一卷晉顧夷等撰宋書顧悅之難

嘉靖庚戌年



王弼易義四十餘條
關康之申王難顧
盡神論一卷魏鍾會撰梁有周

易無互體論三卷亡
唐志王弼注七卷又大衍論

三卷
國史志王弼易論一卷大類畧例而不及

中興書目弼有易辯一卷或言晉得之王羲之承詔

錄藏秘府
繫辭注王弼曰演天地之數所賴者五

十也正義曰韓氏親受業於王弼
唐邢璣注畧例

叙曰大則揔一部之指歸小則明六爻之得失承乘

逆順之理應變情偽之端用有行藏辯有險易明彖

明爻通變明象辯位
上卦畧凡十一卦下一篇以辯

諸家之惑
陸澄曰王弼注易元學所宗今若弘儒

鄭注不可廢自商瞿之後雖有異家之學同以象數

為宗數年後乃有王弼之說輔嗣之易出於馬鄭馬

康成注本無乾傳泰傳宗輔嗣加伏曼容曰何

之以卷首之卦題曰傳離為六篇晏疑易中九事

孔穎達曰輔嗣之意象本釋經宜

相附近分爻之象辭各附當爻則費氏時猶若今乾

卦彖象繫卦之末歟古文始變於費氏大亂於王弼

魏易傳

魏志正始六年十二月辛亥詔司徒王郎所作易傳

今學者得以課試子肅撰定闕駟注釋文序錄王

肅注十卷釋文引西都有丁孟京田東郡有荀劉

嘉靖丙辰年

馬鄭

吳虞翻易注

隋志虞翻注九卷

釋文序錄十卷

陸續注十卷

序錄十卷

梁有

周易日月變例六卷虞翻陸續撰

吳志

虞翻注易

奏曰夢道士

易六爻撓其三以飲臣言易道在天

三爻足矣

晉周易統畧

隋志

鄒湛統畧五卷楊又卦序論一卷

唐志云統畧論二卷

御覽引楊又易卦序論云儉而止山也儉而動泉也

晉周易訓注

易

儒林傳劉兆字延世撰周易訓注以正動二體互通

其文

文苑傳李充注尚書及周易旨六篇

隋志

晉李顥周易卦象數旨六卷

晉易象論

劉惔傳

時孫盛作易象妙於見形論

論曰聖以達觀

故表圓應於著龜

為典要故辭妙迹

不可

簡文帝使殷浩難之不

能屈惔與抗荅辭甚簡至盛理遂屈

嵇康作言不盡意論殷融作象不盡意論何襄城為

六象之論曰實象曰假象曰偏象曰圓象曰臆象蕭

氏又難之不取偏象圓象而立四象之論

三德三

補川

卷三十六

三

監生公尚龍

晉于寶易傳

隋志于寶易注十卷 唐志 周易文義一卷 書目寶
之易學以卦爻配月或配日時傳諸人事以前世已
然之迹證之訓義頗有據

晉張璠集解

經典序錄張璠集解十二卷 東晉秘書郎參著作集
二十二家解序云依向秀本 鍾會為易無互體論
向秀庾運為易義應正為明易論 荀煇張煇王宏阮
咸阮渾為易義揚又為易卦序論 王濟衛瓘為易義
蔡肇為易論 鄒湛為易統畧 杜育楊瓚張軌為易義

宣舒為通知來藏往論 邢融裴藻許適楊藻 並為易
義 七錄云集二十八家七志云十卷 釋文引張○
本

晉周易論

隋志晉阮渾二卷 晉宋岱一卷 齊周顒十卷 梁有三
范氏四卷 晉蔡肇周易象論三卷 唐誌楊又卦序論
一卷 唐志鍾會周易論四卷 應吉府明易論一卷
阮長成仲容難答論二卷 宋處宗通易論一卷 宣聘
通易象論一卷

范仲淹上李泰伯易論十三篇 禮論七篇 明堂定制

圖序一篇五土書三篇共二十四篇為十卷

晉周易畧譜

舊唐志一卷袁宏撰周易譜一卷沈能撰

周易四家集解

隋志馬鄭二王四家集解十卷楊氏集二王注五卷

梁朱子集注一百卷又三十卷南

朱震曰鄭氏傳馬融之學多論互體陸績之學始論

動爻王弼破互體

荀爽九家集注

序錄荀爽九家集注十卷不知何人所集稱荀爽者

以為主故也其序有荀爽京房馬融鄭玄宋衷虞翻

陸績姚信翟子元為易義注內又有張氏朱氏並不

詳何人釋文引荀爽九家集注隋志荀爽九家注

十卷唐志荀氏九家集解十卷荀爽曰乾起坎

而終於離坤起離而終於坎離坎者乾坤之象而陰

陽之府

謝萬韓伯素悅之桓玄卞伯玉荀柔之徐爰顧惟明

僧紹劉獻以下十人並注繫辭為易音者三人王肅

李軌徐邈蜀才人多不知顏之推云范長生也

後魏關子明易傳

書目關子明易傳一卷唐趙蕤注魏孝文使并州刺史王虬與子明著疑筮論數十篇蕤云亡篇過半今無能詮次但隨文解義庶學者觸類而長阮逸詮次刊正洞極元經傳五卷關子明以坐資育為傳以釋其蘊為經論十一篇又為圖以序其象文中子錄子明事大和末穆公與談易言于孝文帝帝曰且與卿就成筮論子明曰乾坤之策陰陽之數推而行之不過三百六十六演而伸之不過三百八十四天之道也象生有定數吉凶有前期變而能通故治亂有可易之理宗於子明晁氏志關朗字子明太和末王

虬言于孝文召見著成筮論數十篇唐趙蕤云恨盡仁半隨文銓解才十一篇李邕鄴始著之目云王通贊易蓋宗此也子明易傳下百年義第一次以統言易義大衍乾坤策盈虛闔闢理性時變動靜神義終於雜義第十一

梁周易講疏

見後 梁武帝撰周易講疏及六十四卦二繫文言序卦等義元帝周易講疏十卷

周易義例

隋文中子讚易

比史李鉉字寶鼎撰定孝經論語毛詩三禮義疏及

三傳異同周易義例合三十餘卷 文中子中說王通字仲淹讚易七十篇讚易道以申先師之旨

唐七十六家易

執文志經錄一曰易類七十六家八十八部六百六十五卷始於連山次以歸藏若周易則有卜商之傳一卷孟喜京房費直馬融荀爽之章句四十四卷鄭玄劉表董遇宗忠王肅王弼虞翻陸績姚信荀煒蜀才王真于寶黃穎崔浩崔觀何胤盧氏傳氏王又玄王凱中韓康伯謝萬桓玄荀諝荀柔之宋褰任希臣之注荀氏九家馬鄭二王張璠之集解著義疏者有

宋明帝梁武帝張該蕭偉蕭子政張譏何妥褚仙梁蕃劉勰孔穎達陸德明陰弘道著論者有王弼玄宗之大衍張璠鍾會范氏應吉甫鄒湛阮長成阮仲容宋慶宗宣聘藥肇素宏楊又玄義則于寶音譜則沈熊新注本義則薛仁貴發揮則王勃終於玄宗大衍論不著錄十一家三百二十九卷始於李鼎祚注有東鄉動物象釋疑一行論大衍玄圖義央崔良佐忘象元載集注李吉甫注一行易衛元嵩元包高定外傳終於裴通之書盧行超之義陸希聲之傳

隋志六十九部五百五十一卷 始於歸義 崇文

一十八部一百七十八卷始於歸藏終於言象外傳
 中興書目一百一十二家七百六十卷續目二十
 七家三十四部二百五卷釋文序錄後漢費氏興
 而高氏遂微永嘉之亂施氏梁丘之易亡孟京費之
 易人無傳者唯鄭康成王輔嗣所注行于世而王氏
 為世所重繫辭已下相承以韓康伯注續之

唐周易正義

文句義疏

志正義十六卷舊志十四卷國子祭酒孔穎達顏師
 古司馬才章三表太學博士馬嘉運助教趙軋叶正
 志寧等奉詔撰四門博士蘇德融趙弘智覆審

梁朝端拱元年十月正義有八論易之三
 系酒孔維等校正月正義有八論
 易名子什傳易之分上下二篇序云傳易者

丁孟京田荀劉馬鄭大體更相祖述非有絕倫唯魏
 世王輔嗣之注獨冠古今江左諸儒並傳其學河北

學者罕能及之江南義疏十有餘家皆辭尚虛玄義
 多浮誕隋志周易義疏十九卷舊唐志宋明帝集

群臣講堂於清暑殿詔伏曼容講易義六卷宋明帝
 易義疏二十卷齊永明國學講周易義疏二十

六卷又沈林周易義三卷周易講疏三十五卷大義
 二十一卷繫辭義疏一卷梁武帝撰唐志釋文義二

二十一卷繫辭義疏一卷梁武帝撰唐志釋文義二

武帝云文言是文王所制舊唐志周易大義疑問二十卷梁武帝撰講疏七

六卷梁褚仲都撰義疏十四卷繫辭義疏三卷蕭子政

撰義疏十六卷陳周弘正撰繫辭義疏二卷乾坤義

一卷劉歆撰講疏三十卷陳張譏撰南史張譏周又

十三卷何妥撰北史云唐志宋明帝注義疏二十

卷張該等群臣講易疏二十卷蕭偉發義幾義各一卷梁

梁武帝大義疑問二十卷又開題論序疏十卷釋序義三

卷陸德明周易文句義疏二十四卷文外大義二卷

陰弘道周易新傳疏十卷薛仁貴新注本義

十四卷盧行易義疏十卷崇文曰周易義

十卷亦曰何氏講疏十三卷崇文曰周易義

補闕七卷中興曰邢璣補闕正義略例疏二卷

晁說之曰易雜莊老而專明人事則自王弼始易家

始失其所傳梁丘施孟三家於是亡於晉而孟京有

書無師矣江左祖尚玄虛弼與滋盛然晉專立鄭學

孫盛詆弼之傳會淫麗宋元嘉王鄭兩立顏延之為

祭酒而黜鄭置王齊之王學大盛河北專祖鄭隋士

浮麗慕弼之學唐因之古法始泯

唐周易大衍論

志玄宗周易大衍論三卷又一行易論卷七又大衍
 玄圖一卷義決一卷大衍論二十卷李言甫注一行
 易亡義附考言甫論易象異王弼大衍論三卷
 舊文一行撰大衍論三卷劉禹錫論易九六論三卷
 中興目一行易傳十二卷元闕者四卷一行
 作曆專用大衍之策議曰著數之變九六各一乾坤
 之象七八各三六子之象爻數通乎六十策數行者
 二百四十大衍為天地之樞如環之無端蓋律曆之
 大紀也著以七備卦以八周郭雍曰一行之學取三
 大衍之數五十其用四十有九京房謂五十者十日

者二辰二十八宿一不用者天之生氣馬融云北辰
 居北不動荀爽曰初九潛龍勿用故用四十九姚信
 畫遇云天地數五十有五其六以象六畫鄭玄云五
 行減五六衍又減一故減之用四十九王弼曰其一
 不用以其虛不用而用以之通非數而數以之成斯
 易之太極子夏曰一不用者太極也孔穎達曰虛一
 以象虛無之氣乾鑿度曰日十干者五音也辰十
 二者六律也星二十八者七宿也凡五十正義曰
 天數二十五總合五音之數地數三十總合五偶之
 數乾之策二百一十有六者以乾老陽一爻有二十

六爻凡有二百一十六策也乾之少陽一爻有
 二策六爻則有一百六十八策此經據老陽之
 策也坤之策百四十有四者坤之老陰一爻有二十
 四策六爻故一百四十四策也若坤之少陰一爻有
 三十二策六爻則有一百九十二此經據坤之老陰也
 韓氏注曰乾一爻三十六策取其過揲四分而九
 也坤一爻二十四策取其過揲四分而六也關子
 明大衍義曰夫數兆於一生於二成於三此天地人
 所以立也衍於五成於六偶於十此五行六爻十日
 所以錯綜也天下數之兆也雖明其兆未可以用也

地一數之生也有生則滋乃可以推之也天三數之
 極也極乎終則反乎始兼兩之義也五行水生乎一
 成乎六云云天一必待地六而成之地二必待天七
 而成之其體雖五而成必六六者非他天地生成之
 謂也天數五地數五五者非他三天兩地之謂也地
 二天三合而為五其一不用者六來則一去也既成
 則無生也有生於無終必有始既有則無去矣既終
 則始去矣故大衍五十其用四十有九人有去無之
 謂也物不兩大必曰虛盈日往月來晝極則夜進盈
 於此則虛於彼盈於小必虛其大此用所以不窮也

程子曰數始於一備於五小衍之而成十大衍之而為五十五十數之成也成則不動故損一以為用朱震曰一者體也太極不動之數四十有九者用也兩儀四象分太極之數總之則一散之則四十九非四十有九之外復有一而其一不用也四十有九者七也故爻用六著用七卦用八玄用九十即五也十盈數不可衍也朱文公曰大衍之數五十蓋以河圖中宮天五乘地十而得之至用以筮則又止用四十有九乾之策二百一十有六坤之策百四十有四凡三百有六十當期之日二篇之策萬有一千

五百二十當萬物之數也朱文公曰策數生於四象二篇謂上下經凡陽爻百九十二得六千九百一十二策陰爻百九十二得四千六百八策合之得此數唐作友曰大衍通於範乎五行隱而皇極虛斯大衍之數用矣五事而次皆曰用初一日五行不言用大衍之義著矣李泰伯曰揲筮之法用四十九取其整數增一損一則不可揲陳高曰大衍自虛其一劉牧曰天一居尊而不動胡瑗曰陰不可過於陽地數三十之中去其六策歐陽子曰大衍占法也數出於自然而不測四十有九是也用通於變

嘉靖丙辰年

三

三

而無窮七八九六是也。邵子曰大衍聖人之倚數也。五十箸數六十卦數五者箸之小衍故五十為大衍八者卦之小成則六十四為大成著德圓以況天數故七七四十九。五十者存一言之卦德方以況地數故八八六十四。六十者去四言之天數二十五合之為五十地數三十合之為六十。著用數卦體數用以體為基故存一體以用為本故去四圓者本一方者本四大衍之數其算法之原乎。郭雍曰此用數揲箸之法。龔夬曰五十總四十九之成數又合而為一此箸之體四十九自分而為二言此箸之用

易

揚廷秀曰虛其一者復歸于一也所謂易有太極程迥曰天地之數極於十各五位有合故衍之為五十五總數其一即會五十之全體。劉敞曰衍天之參則為三十衍地之兩則為二十一者乾坤所不用乾積三以為九故老陽九坤積二以為六故老陰六少陽七者益一於老陰少陰八者益一於老陽。劉氏曰動靜一源顯微無間知四十九為一之用即知一為四十九之體或以干支辰宿八卦陰陽求合五十之數恐非。分而為二以象兩掛一以象三揲之以四以象四時

歸奇於扚以象閏五歲再閏故再扚而後掛是故四營而成易十有八變而成卦

唐集注周易

志李鼎祚十七卷元載一百卷 書目集解十卷序

云十卷唐著作郎李鼎祚集子夏孟喜京房馬融荀

爽鄭康成劉表何晏宋衷虞翻陸績干寶王肅王輔

嗣姚信王虞張璠向秀王凱冲侯果蜀才翟元韓康

伯劉瓛何妥崔憬沈麟士盧氏崔觀孔穎達等凡三

十餘家附以九家易乾鑿度凡十七篇其所取荀虞

之說為多取序卦冠之卦首案崇文總目去大抵以

易

卦互體緣交索變蓋本易家師承之舊云七篇逸

晁氏志十卷其序云自卜商之後傳註百家唯王鄭

相公頗行於代鄭多參天象王全釋人事易道豈偏

滯于天人哉天象難尋人事易習折揚黃華學徒多

從之今集諸家刊輔嗣之野文補康成之逸象以貽

同好蓋宗鄭學者也李鼎祚云鼎祚自序上三卷無亡

唐易傳

志陸希聲周易傳二卷 書目六卷案後說云著易

傳十篇傳上經為第一篇下經為第二篇又有演文

伸輟系等八篇又撰易圖一卷指說一卷釋變徵旨

各一卷通為十卷又文證一卷非十編之目今惟存
上下經傳分為六卷微旨分為三卷 朱震曰陸氏
削去爻象自謂彌縫其闕諧音以發其辭體正如子
雲作太玄僂學者為進易之梯階

唐周易發揮

志王勃五卷 王勃傳嘗夢有告者曰易有太極子

勉思之寤而作易發揮數篇晉卦會病止

文中子世家文中子贊易七十篇列為十卷

唐周易元包傳

志衛元嵩元包十卷後周 唐蘇源明傳李江注

李江序文質更變篇題各異夏曰連山殷曰歸藏

三曰周易而唐謂之元包其實一也包者藏也言

其是非吉凶得失皆藏其書也李江謂六五經四

崇文目元包十卷太陰太陽少陰少陽仲陰仲陽

孟陰孟陽運著說原一本無 晁氏志坤為首因

八卦世變為六十四卦之次又著單著說源一篇統言

卦體不列爻位自云周易元包一也乾包以坤為

藏 宗乾道中張行成以蘇李徒言其理未達其數

著元包數總義二卷

唐易圖 易外傳

高定傳定高郢子通王氏易為圖合八出上圓下方

合則重轉則演七轉而六十四卦六甲八節備焉

高定周易外傳二十二卷隋志梁有周易乾坤

象周易新圖各一卷周易譜一卷唐志一卷雜音三卷

薛景和普玄圖八卷

唐易書

裴通易書一百五十卷通士淹子文宗訪以易義

今進所撰書通自祭酒改詹事以中謝上知通有易

裴通易書通自祭酒改詹事以中謝上知通有易

章頭傳著易緼解推演終始有深誼

唐周易新義

會要太和元年六月直講徐節上三卷臣薛仁貴

新注本義四卷國史志李翱易詮三卷

唐周易物象釋疑

志周易物象釋疑一卷書目一卷唐守江陵尹東

卿助撰其說以象之所生生於義也有斯義然後明

之以物如以龍叙乾以馬明坤之類采注疏未釋者

標出

唐周易舉正

書目三卷崇文唐蘇州司戶郭京撰其序言得王輔

嗣韓康伯手寫定本。比校今所習者，或將經入注，用注作經，小象中間以下句反居其上，爻辭注內移後，義却處於前，兼有脫遺兩字，顛倒謬誤者，並依定本舉正其訛，總一百三十五處，二百七十三字。晁公武易辭多引用之

唐周易開玄關

流演 啓源

易教

目崇下義

晁氏志唐鄭鶴撰周易開玄關一卷，自序云：五代祖晉製八卦論，編簡尚有存者，畧演其旨，如此成玄英撰周易流演五卷，錯綜六十四卦，演九宮以直年月

曰道藏錄之，廣成撰周易啓源十卷，凡三十六篇，吏證撰口訣義七卷，抄錄注疏，以便講習，偽蜀蒲積實撰易軌一卷，專言流演，其序云：可以知否泰之源，察延促之數，蓋數學也。崇文目周易目崇止義三十卷，仁正一撰，以孔穎達為本，甘棠者正一為陳司馬，故名其書。

唐太易

志道家張志和太易十五卷，張志和傳著太易五篇，其卦三百六十五，乾鑿度有太易，未見其知氣之始，太始，形之始，太素，質之始。

先天圖

陳搏以傳神放放傳穆脩脩傳李挺之挺之傳邵雍
確有方圓二圖圖雖無文吾終日言而未嘗離乎是
善天地萬物之理盡在其中矣先天學心法也故圖
皆自中起萬化萬事生乎心也先天圖中環中也先
天學主乎誠先天之數自一而二自二而四自四而
八乾兌離震在左巽坎艮坤居右乾南坤北以定上
下離東坎西以列左右宋震朱熹蔡元定張行成申其
說本義載於義四圖其說皆出邵氏 圖外為陽方
平者陰 李挺之說卦反對圖八篇六十四卦相

圖一篇

伏羲之卦先天也文王之卦後天也

開寶王昭素易論 演聖通論

書目三十三卷 昭素以王韓注易及孔馬疏義

或末書乃著此論 徐敏對其畧為易論要纂一卷

開寶三年知制誥李穆薦王昭素召見便殿昭素著

易論三十三篇時年七十餘太祖賜坐令講乾卦召

宰臣薛居正等觀之至九五飛龍在天昭素對曰此

之正當陛下今日之事此書非聖人出不能合其象

三月辛亥拜國子博士賜茶藥及錢二十萬留月餘

遺之 晁氏志 以注疏異同互相詰難蔽以己意胡旦有易演聖通論十六卷 引注疏及王昭素論為之商榷

天禧易樞 易筮 證墜簡

天禧二年七月戊寅富順監言李見撰易樞十卷詔

附釋以聞 書目既逸 易筮六卷凡三百八十四卷

是謂之易規十一篇 晁氏志天禧中諤昌撰證墜

簡一卷其書類郭京舉正如震卦彖辭內云脫不喪

七也四字程正封取之漸卦上六疑陸字誤胡翼之

之謂其博出於李慶約許堅

皇祐周易折蘊 旨要

皇祐三年九月二十二日評事孫坦上折蘊十卷帝

嘉祐其勤博四年五月知益州田況上太常丞代淵所

著周易旨要二十卷丙午以為祠部外郎至和元

年十二月十八日宋咸上注周易十卷詔褒諭治

平三年四月己丑工部侍郎皇甫泌上所著周易精

義賜帛 國史志任奉古周易發題一卷周易正經

明疑錄一卷不知撰人

周易言象傳

書目十卷 崇文侍講王洙撰凡十二篇序云論次舊

義傳以新說以三弼傳為內據其異者表而正之故
云外也 紹興中沈該小傳六卷每卦別為一論

治平周易圖義

書目二卷治平中葉昌齡撰以劉牧鈎隱圖之失遂
著此書凡四十五門牧撰易數鈎隱圖一卷采按天
地奇耦之數目太極生兩儀而下至于河圖凡六十
四位點之成圖於圖之下各釋其義凡四十八圖黃
黎獻受於牧按為畧例一卷隱訣一卷吳秘受於黎
獻作通神一卷以釋鈎隱奏之凡三十四篇帶後漢
易源一卷

熙寧周易圖

熙寧九年五月二十二日宗子克頴進周易開奧圖
一序考進考經傳詔褒之

周易傳

胡瑗之翼易傳十卷門人倪天隱所纂非其自著故序
首稱先生 鄭夫 鄭夫 鄭夫 周易傳十二卷姚嗣宗謂劉牧
之學受之吳秘秘受之夫夫又作明數明象明傳道
明次例明範五篇邵雍言夫竊其學於王豫沈括亦
言夫之學似雍云 陸秉 陸秉 陸秉 意學十卷寶元二年奏
御 邵古 邵古 邵古 周易解五卷古雍之父 劉牧張易十

卷書目劉牧新 庶曆初吳祕獻其言詔獎之田況為
 序言數者宗之又鈞隱圖三卷德通論一卷又卦徐
 庸易緼一卷以春秋凡例易亦有之著書九篇號意
 緼凡例總論其學祖劉牧陸秉 代淵易論二十卷
 皇帝必周易述聞隱訣補解各一卷精微一卷
 石介遊周易五卷 王逢易傳十卷 鮮于侁野周
 易聖斷七卷本王弼劉牧而時辨其非 宋咸易訓
 三卷自序謂既以補注奏御而男億請餘義百餘篇
 因名易訓 呂大防周易古經二卷凡十二篇無解
 釋 蘇軾東坡易傳十一卷父洵作易傳未完述以

易言 張載橫渠 說十卷 程氏 順易十卷序一
 易變易也隨時變 以從道也推辭考卦可以知
 象與占在其中矣 朱文公曰交易為體往來彼
 王安石易義二十卷龔原注二十卷耿南仲
 十卷 張弼易十卷頌宗鄭氏 房審權周易
 義海一百卷集韻玄至王安石凡六家摘取專明人
 事者 是之也古易十二卷又太極傳外傳
 因說 朱震發子 易集傳十一卷易圖三卷叢說一卷
 自謂學以程頤為宗會邵雍張載之論合鄭玄王弼
 之學 牛師德先天易鈞太極寶局二卷 石汝璣

黃生歸一圖二卷 王湜易學一卷 潛心邵學

忠孝謙易解二卷 頌明象數 張汝明易索十三卷

凌唐佐易佳解十卷 沈該周易小傳六卷 見

公武易故訓傳二十八卷 孫古今諸家附以己聞

銓易傳拾遺十卷 宗主程說時出新意 祖謙

辭精義二卷 楊萬里誠齋易傳二十卷 林黃中

周易經傳集說三十六卷 淳熙中表進 項安世

易玩辭十六卷 程迥易章十卷 外編占法古易

卷一卷 世稱 趙易 蔡鼎周易訓解大序易說

卷一 卷二 卷三 卷四 卷五 卷六 卷七 卷八 卷九 卷十

正心易法一卷 李潛序 朱文公以為戴師愈所作

周敦頤作太極圖說及通書四十章 郭雍著易中

庸之書十餘萬言有易說著卦辯疑 中興書目雍易

紹興御書周易泰否卦

紹興五年十月十一日庚戌右相張浚入見上親書

周易否泰卦賜之浚奏自古小人傾陷君子莫不以

朋黨為言臣嘗考泰之初九拔茅茹以其彙征象以

為志在外蓋言其志在天下國家非為身故也否之

初九拔茅茹以其彙征象以為志在君則君子連類

嘉靖庚戌年 卷三十六

而退蓋將以行善道而未始忘憂國愛君之心焉觀
二爻之義而考其用心則朋黨之論不攻而自破矣
臣又觀否泰之理起於人君一心之微一念之正其
畫為陽泰自是而起矣一念之不正其畫為陰否自
是而起矣泰之六三陰已盡復變為陽則小人在
外而泰所由以馬二十五年八月以所著否泰卦
解義進之奏曰其事本諸一心 高宗書乾卦賜侍
講秦梓

紹興易說

六年林儵乞上所著易書詔給事中朱震 震言

用功至... 紹興初朱震撰
備書變卦纂集等書二十六卷上之二月甲辰儵循
資與堂除 八年六月五日李授之上易解除直秘
閣 十五年十月二十七日劉翔進易解 十六年
吳沆進易璇璣三卷二十七篇四月十七日郭伸上
易解 二十七年九月彭煥上周易義解十冊神授
易圖四冊太極歌一冊易證詩一冊義文圖二軸館
學看詳謂潛心象數訓釋淹貫詔補上州文學 三
十年三月七日宋大明上周易解 紹興初朱震撰
易傳十一卷卦圖三卷叢說一卷表云傳九卷上采

漢魏吳晉元魏下逮有唐及今。紹興中晁說之周
易太極傳六卷外傳一卷因說一卷說之從楊賢寶
得康節先生自為易圖二作易傳四種名曰商瞿傳
李衡撮要十二卷

紹興易變體

續書曰易變體十六卷紹興中吏部郎中都察進議
筮有其卦之某卦為變體如蔡墨言潛龍勿用不曰
乾初九而曰乾之姤言龍戰于野不曰坤上六而曰
坤之剝此謂變體自乾之姤至未濟之解以意演之
爻為一篇凡三百六十五篇

紹興大衍圖

十七年四月左迪功郎吳適進大衍圖庚戌令秘書
詳之

紹興揲著古法

紹興中鄭克武子撰一卷以今之言揲著法者或不
取四營成易不待三變成爻而謂之小衍或不揲右
手所分不數小指所掛而謂之新譜故列舊法使有
可據程迥有揲著詳說

淳熙易書

淳熙八年八月五日知閬州呂焜之上書四十卷

上問輔臣周必大奏曰此本邵雍之學蜀人張行成
推衍之疑之必講學於行成上曰行成所著頗略必
六曰疑之配年以卦爻所以加密 乾道二年六月
四曰以行成進易可采除直徽猷閣行成有述衍十
八卷通變四十卷以易數生於衍因先釋繫辭之說
而復析衍法窮原流命曰述衍邵雍之學祖於象
數二圖其用皆起於交爻則變今演解之命曰通變

淳熙周易集解 圖

十二年四月二十六日知澶州林栗進經傳集解三
十二卷繫辭上下二卷文言說卦序雜本文共為一

易

卷河圖洛書八卦九疇大衍總會圖六十四卦立成
圖大衍撰著解共為一卷總三十六冊詔付祕省敕
書獎諭 二年曾種哀程顥頤張載游酢楊時郭忠
孝雍七先生之說為大易粹言十卷

李椿云易以九居五六居二為當位而詞多艱以六
居五九居二為不當位而詞多吉蓋君以剛健為體
而虛中為用臣以柔順為體而剛中為用君以虛中
行其剛健臣以剛中守其柔順則上下交而其志同
矣 程迥云以六居五以九居二為卦十有六雖為
時不同其十有五皆吉謂人君柔中虛已而任剛德

監生刊
之臣其臣亦以剛中應之唯常卦則不然常從所應
漢元帝似之 張掄為易卦補遺其言曰易以初上
二爻為定體以中四爻為變系辭謂之中爻先儒謂
之互體所謂雜物撰德辯是與非八卦互成剛柔相
易之道非此無見焉坤與坎曰師而長子帥師之象
蓋出乎震艮與坤曰謙而用涉大川之象蓋出乎坎
雷在天上大壯而曰羝羊有兌存焉明入地中明夷
而曰蒙難有坎存焉 張浚易解并雜記共十卷論
易數曰太極一也兩儀三之也分為二而七八九六
之數五十有五此天地之中數也論剛柔之義曰君
易

道主剛而其義也用柔故乾動則為坤矣臣道主柔
而其動也用剛故坤動則為乾矣 朱震曰變動之
別其傳有五曰動爻卦變互體五行納甲而卦變之
中又有變焉 程頤主理 震主數

淳熙易學啓蒙 本義

朱文公熹 淳熙四年易本義成十二卷又為諸圖

冠首為五贊原象 楷類 述旨 明筮 及筮儀附于末音

義二卷十三年三月易學啓蒙成四篇以本圖書原
卦畫明著策考變占為次又有著卦考設撰著之法
見於大傳郭雍為著卦辯疑三卷熹謂疏家小失其

指而辯之者又大失焉說愈多而法愈亂因考誤畢氏中和揲法視既義為詳論三揲皆掛一正合四營之義唯以三揲之掛拗分措於三指間為小誤然大數亦不差易本為卜筮而作其言皆依象數以斷吉凶今其法不傳諸儒言象數者皆穿鑿言義理者大汗漫故其書難讀此本義啓蒙所以作也

先天之學魏伯陽闕見其意陳搏始發其秘再傳為邵雍方圓圖皇極經世諸書朱震張行成朱文公蔡元定申其說郭忠孝得李挺之卦變論有得焉

李舜臣易本傳三十三篇迹坎離之從中起校震巽

之偏而不中謂舍本卦而論他卦為不然謂某卦從某卦來為妄復剛長而以日云者幸其至之速臨陽消而以月云者幸其消之遲說卦天地定位山澤通氣雷風相薄水火不相射八卦相錯邵子曰此伏羲八卦之位乾南坤北離東坎西兌居東南震居東北巽居西南艮居西北於是八卦相交而成六十四卦所謂先天之學也帝出乎震齊乎巽相見乎離致役乎坤說言乎兌戰乎乾勞乎坎成言乎艮邵子曰此卦位乃文王所定所謂後天之學也

古易五家

元豐五年汲郡呂大防始定周易古經分上經下經
上彖下象上象下象繫辭上下各二篇文言說卦序
卦雜卦各一篇凡十二篇靖國中嵩山晁說之亦注
古文易并十二為八以卦爻象象文言繫辭說卦序
卦各為一篇睢陽王氏東萊呂氏亦各定為十二篇
呂祖謙更定經二卷傳十卷而青訓則門人王革叟
所筆受也祖謙因晁氏書參考傳記復定為十二卷
其後九江周燾又自改更次序與諸家之說不類故
言古易者為五家吳仁傑集為一卷仁傑亦分為十
二篇 洪興祖謂漢以來諸儒所傳各有師承唐陸
德明著音義兼存別本諸 各以所見去取今以一

行所纂古子夏傳為正而以諸書附著其下為易古
經考異釋疑一卷 續書目 朱震曰今易乾卦自乾

至用九即古易之本文

晉汲郡竹書有周易上下經二卷 朱子曰易有象
然後有辭筮有變然後有占

漢揚雄太玄

本傳雄草太玄 雄以為經莫大於論議作法言 太玄五千
文說十餘萬言雄大潭思渾天參摹而四分之極於
八十一旁則三摹九摺極之七百二十九贊觀易者
見卦而名之觀玄者數畫而定之玄首四重者非卦

也數也其用自天元推一晝一夜陰陽數度律歷之
紀九九大運與天終始故玄三方九州二十七部八
十一家二百四十三表七百二十九贊分為三卷曰
一二三與泰初歷相應亦有顛頊之歷焉推之以三
策而法三三關之以休咎紘之以象類播之以人事文
之以五行擬之以道德仁義禮智無主無名要合五
經苟非其事文不虛生為其曼漉不可知故有首衝
錯測攤瑩數文捫圖告十一篇以解剝玄體離散其
文章句尚不存焉或謂以尚白作解謝有難玄太深
作解難桓譚謂雄書必傳侯芭受太玄法穆氏本自玄首已下

至玄告凡十一篇並漢宋衷解詁吳陸績釋而正之
為述玄並依舊本分贊辭為三卷一方為上方為
中三方為下次列首衝錯測攤瑩數文捫圖告十一
篇晉范望叔明始合為十卷為之解以玄首一篇加
經贊之上玄測一篇附逐贊之末餘自玄衝已下至
玄告九篇列為四卷三家義訓互有得失虞翻以
宋氏解玄頗有繆錯更為立注并著明揚釋宋以理其滯
法言或曰玄何為曰
為仁義勿雜也童烏九齡而
藝文志 儒家楊雄所

序三十八篇太玄十九
張衡傳常耽好玄經謂崔
瑗曰吾觀太玄方知子雲妙極道數乃與五經相擬
非徒傳記之屬使人難論陰陽之事漢家得天下二
百歲之書也復二百歲殆將終乎所以作者之數必
顯一卅常然之符也漢四百歲玄其興矣注桓譚新

論曰楊雄作玄書以為玄者天也道也言聖賢制法
 作事皆引天道以為本統而因附續萬類王政人事
 法度故宓義氏謂之易老子謂之道孔子謂之元而
 揚子謂之玄子雲止云大玄經非其自稱太玄經三篇以紀天地
 人之道立三體有上中下如禹貢之陳三品三三而
 九因以九九八十一故為八十一卦以四為數數從
 一至四重累變易竟八十一而徧不可損益以三十
 五著揲之玄經五千餘言而傳十二篇選注引張衡
無形之類自然之根作於太始蜀志李譔著太玄
莫與為先又引揚雄泰玄賦指歸 魏志王肅從宋忠讀太玄更為之解 吳志

陸凱好太玄論演其意以筮輒驗

隋志十卷蔡文

邵注十四卷虞翻注十三卷陸凱注七卷王肅注九

卷宋衷注

梁有九卷楊雄自作章句

唐志陸績注十二卷虞

翻注十四卷范望注十二卷

范望贊曰桓譚謂之絕倫張衡以擬五經非諸

子之疇也

宋衷陸績各以淵通之才窮核道真為十篇解

宋仲孚

一作注十二

卷蔡文邵注十卷唐王涯為說玄五篇一卷又注六

卷負俶太玄幽贊十卷開元四年京兆童子負俶進

太玄幽贊十卷紫微省召試賦頌及第

書目許洞

演玄十卷其說分三紀二體上紀甲首丙尾日月迭

居以辯數中紀丙首戊尾男女異政以辯位下紀庚

首癸尾山川冲氣以辯德二體曰範曰緯童管太玄圖一卷慶曆中撰又發隱一卷始序雄出處本末著玄之意中陳準易造玄之法末論玄之妙以適變通司馬光集漢宋衷解詁吳陸績釋文晉范望解贊唐王涯注經及首測皇朝宋惟幹注解陳漸演玄吳秘音義凡七家又時出已意為集注六卷晁說之以光太玄曆邵雍玄圖合而譜之為易玄星紀譜二卷陳漸演玄七卷有玄統述策紀鑄鍵畧各一篇彈誤二篇玄圖一篇玄籍一篇字摹十六篇張行成翼玄十卷行成曰太玄義取於連山元包義取於歸藏李沂集解義訣十卷集

易

宋陸范王并撰揲法占法又為圖并雜說總十五篇徐庸玄曠一卷僧全瑩太玄畧例一卷 國史志徐庸注太玄經十二卷張齊太玄正義統論一卷釋文玄說二卷宋咸音一卷師望玄鑿十卷陳漸演玄七卷本十卷其間多言星曆自焚三卷前世多詆太玄自王涯著說發明淵奧其學遂盛 晁氏志宋惟幹太玄解十卷惟幹得太玄古本于昭應咸平中知滑臺取宋陸范三家訓解別為之注仍作太玄宗旨兩篇附于後其學蓋師田告司馬公所謂小宋者也 景元五年五月庚子直昭文館宋惟幹徐庸注太玄經十卷 嘉靖庚戌年 史館幹一作翰

嘉靖庚戌年

史館幹一作翰

三十一

卷慶曆間章詒太玄經注十四卷疏三十卷皇祐五年閏七月二十五日章詒上太玄經發隱二篇章詒一作張

詒成都守蔣堂獻其書詔獎之陳漸演玄十卷凡十四篇漸傳著書

演玄漸謂法言解嘲止云太玄然則經非其自稱第

子侯芭之徒尊之耳集注陳氏曰經非子雲張揆太

玄淵旨一卷皇祐四年九月甲寅下郭元亨太玄經

疏十八卷元亨自淳化末迄祥符八年撰成又云太

玄潤色於君平未知何所據 吳陸績述玄曰雄建

立玄經與聖人同趣雖周公繇大易孔子修春秋不

能是過 唐王涯說玄五篇明宗立例撰法占法辯

易

看說玄曰八十一首擬乎卦九贊之位類夫爻易以

八八為數其卦六十有四玄以九九為數其首八十

有一易之占以變玄之筮以逢數有陰陽而時有晝

夜首有經緯而占有旦夕參而得之謂之逢四位成

列性在其中矣九虛旁通情在其中矣四位之次曰

方州部家以一生二方以三生九州以九生二十七

部以一十七生八十一家二相生玄之數也一首九

贊故有七百二十九贊其外踦贏二贊以備一儀之

片數玄之首也始於中中之始也在乎一一之所配

自天元甲子朔旦冬至推一晝一夜終而復始天元

二十七首中至事地元二十七首更至昆人元二十
七首減至養馮元以宋陸諸家章句失雄奇獨王涯

稍近作釋文一篇

司馬光讀玄曰玄以贊易易天

也玄為之階說玄曰易與太玄大抵道同而法異

易畫有二曰陽曰陰玄畫有三曰一曰二曰三易有

六位玄有四重方州部家傳謂參摹而四分之極於八十一易以八卦相重

為六十四卦玄以一二三錯於方州部家為八十一

首易每卦有六爻合為三百八十四爻玄每首有九

贊合為七百二十九贊皆當其之日易卦起於中孚

除震離兌坎四正卦二十四爻主二十四氣外其餘六十

每卦六日七分凡得三百六十五日四分日之一中孚初

九冬至之初也順上九大雪之末也周而復始玄七百二十九

贊每二贊合為一日一贊為晝一贊為夜凡得三百六十

四日半益以躋贏一贊成三百六十五日四分日之一中初一冬

至之初也躋贏二贊大雪之末也亦周而復始易有元

亨利貞玄有罔直蒙酋冥易大衍之數五十其用四

十有九玄天地之策各十有八合為三十六策地則

虛三用三十三策易揲之以四玄揲之以三易有七

九八六謂之四象玄有一二三謂之三摹易有彖玄

有首易有爻玄有贊易有象玄有測易有文言玄有

文易有繫辭玄有攤瑩梘圖告易有說卦玄有數易
 有序卦玄有衝易有雜卦玄有錯殊塗而同歸百慮
 而一致皆本於大極兩儀三才四時五行而歸於道
 德仁義禮也 邵雍觀物外篇曰落下闕改顓曆為
 太初曆子雲準太初而作大玄凡八十一卦九分共
 二卦凡一五隔一四細分之則四分半當一卦氣起
 於心中故首中卦楊雄作玄可謂見天地之心又易準圖序曰玄之
 於易猶地之於天也 朱震準易圖曰太玄之作與
 大初相應十一月甲子夜半朔冬至而兼該顓帝之曆首十月發
 明連山之旨首 準周易為八十一卦凡九分共

一卦一五隔一四細分之則四分半當一日進六十卦一
 卦六日七分也中中孚也律曆之元始於冬至卦氣起於
 孚其書本於夏連山首艮躋贏二曆有其辭而無其卦而附
 之於養者以閏為虛也 蘇洵論曰太玄之策三十有六虛三
 而三十有三用焉求易之過也欲去其躋與贏加其首之一分
 損其著之三策又摠例曰雄好奇務深始之以十六策中
十二積之以二十四唐仲友曰雄最知大衍數者故玄數曰
 三八為木四九為金二七為火一六為水五五為土玄圖曰
 一與六共宗二與七共朋三與八成友四與九同道五與五
 相守不言五十為立五與十相守者知藏五之為六衍也

蕭該漢書音義衍作衡又案別錄告下有玄問一篇合十二篇今脫一篇嘉祐二年十一月己亥七時吳泌上注太玄及音義 紹興十三年八月二十三日王銍上太玄經解義

晉通玄經

王長文傳著書四卷擬易名曰通玄經有文言卦義可用卜筮時人比之太玄同郡馬秀曰揚雄作太玄惟桓譚以為必傳後世晚遭陸績玄道遂明長文通玄經未遭陸績君山耳 隋志梁有通經二卷晉三長元撰揚子太玄經十四卷晉楊泉撰 儒家

潛虛

司馬光著潛虛一卷曰氣曰體曰性曰名曰行曰命以凶吉感否平為所遇之占玄以準易虛以擬玄萬物皆祖於虛易之卦始於太極玄之首始於一元虛之行始於五行易之卦兼河洛之數玄之首得河圖之九數虛之行得洛書之十數句皆協韻如易彖文象玄首贊測易曰卦玄曰首虛曰名卦有爻首有贊名有變二體四位十等之象八物五行與生成之數乾中玄之所以始一三五之所以虛與揲法占法若異實同光又為易說三卷注繫辭二卷朱熹以范仲彪別本補潛虛之闕張行成為潛虛衍義十六卷章

分句析後截行成所續不韻 晁氏志以五行爲本
五五相乘爲二十五兩之得五十首有氣體性名行
變解七圖然其辭有闕者蓋未成也 太玄潛虛或
以四十五變八十一或以五十五變一百 楊氏之
太玄八十一首關氏之洞極二十七象司馬氏之潛
虛五十五行

太玄準易圖 太玄集解

邵雍太玄準易圖序夫玄之於易猶地之於天也天
主太極而地摠元氣元氣轉而爲三統在玄則謂之
三元三元轉而爲九州九州轉而爲二十七部二十

易

七部轉而爲八十一首首有九贊贊分晝夜而剛柔
之用見矣故玄之贊七百二十九而有奇以應三百
六旬有六日之度蓋本出乎元氣而作者也犬極生
兩儀兩儀生四象四象生八卦八卦因而重之爲六
十四故易有乾坎艮震巽離坤兌八卦以司八節又
以坎離震兌四正之卦二十四爻以司二十四氣以
復臨泰大壯夬乾姤遯否觀剝坤有十二卦以司七
十二候節也氣也候也既各有統矣然周天之度未
見其所司也於是又去四正之卦分取六十卦引而
伸之爲三百六十爻各司其日則周天三百六十度

嘉靖丙辰年

而寒暑進退之道陰陽之運備矣蓋本乎太極而作者也由是觀之則天地各有生成之數而相為表裏之用故天數西行上承而左轉者在地之元氣也地數東行下順而右運者在天之大極也大極運三辰五星於上元氣轉三統五行於下此所謂成變化而行鬼神者也所謂玄之於易猶地之於天者如斯而已準而作之不亦宜乎若夫分天度列次舍序氣候明卦爻冠首贊位列八重先以夜贊布諸外然後晝贊首位爻象候卦氣卦宮分度數次諸內復會於辰極而玄易顯仁藏用之道循乎數者可見矣是故始

易

於上元甲子天正朔旦日躔牛宿之初後四千六百一十七年復會於太初之上元者元之贊也自上元甲寅青龍之首氣起未濟之九四後三萬一千九百二十年復會於太極之上元者易之爻也原始要終究其所窮則體用雖殊其歸一而已矣 是說之易玄星紀譜後序曰子雲初為文王易而作玄始託其於高辛及太初二歷此一歷之斗分強弱不可下通於今亦無足議溫公又本諸太初歷而作玄歷康節先生玄圖布星辰辨氣候分晝夜而易玄相參於中乃朝暮夜思取歷與圖合而譜之於是知子雲以首準

卦非出於其私意蓋有星候為之機括
張揆傳上
所著太玄集解數萬言召對通英閣今撰著得斷首
且言準易之六益以陽剛決陰柔君子進小人退之
象仁宗悅擢天章閣待制兼侍讀
慶曆七年十月集
解序編解類

有未畫之易易之理有既畫之易易之書
易起數
以定畫因畫以生辭因辭以明象因象以盡意
奇
耦七八也交畫九六也卦畫七八不易也
交畫九六變易也卦畫不易而中有變易是之謂亨
交雖變易

而中有不易是之謂正
易之為書辭變象占乃其
綱領而繇象爻象之辭畫爻位虛之別互反飛伏之
說秉承比應之例一不知則義理闕焉
世之學易
者卑入於象數高入於名理
五鹿充宗與諸儒講
而朱雲折之何晏不了九事而伏曼容輕之王弼訓
注於六爻變化五氣相推多所擯畧而孫盛短之周
洪正於講席辨析名理而張譏屈之蓋其旨難明如
此

玉海卷第三十六

玉海卷第三十七

藝文

書

浚儀王應麟伯厚甫

隋經籍志書之所興蓋與文字俱起孔子觀書周
室得虞夏商周四代之典刪其善者上自虞下至
周為百篇編而序之遭秦滅學至漢唯濟南伏生
口傳二十八篇又河南女子得秦誓一篇獻之伏
生作尚書傳四十一篇以授周郡張生張生授千
乘歐陽生歐陽生授同郡兒寬寬授歐陽生之子

世世傳之至曾孫歐陽高謂之尚書歐陽之學又有夏侯都尉受業於張生以授族子始昌始昌傳族子勝為大夏侯之學勝傳從子建別為小夏侯之學故有歐陽大小夏侯三家並立訖漢東京相傳不絕而歐陽最盛初漢武帝時魯恭王壞孔子舊宅得其末孫惠所藏之書字皆古文孔安國以今文校之得二十五篇其泰誓與河內女子所獻不同又濟南伏生所誦有五篇相合安國並依古文開其篇第以隸古字寫之合成五十八篇其餘篇簡錯亂不可復讀並送之官府安國又為五十

八篇作傳會至嘉寧起不得奏上私傳其書尉朝朝授膠東庸生謂之尚書古文之學而未得立後漢扶風杜林傳古文尚書司郡賈逵為之作訓馬融作傳蘇亥亦為之注然其所傳唯二十九篇又雜以今文非孔舊本旨餘絕無師說晉世秘府所存有古文尚書經文今無有傳者及永嘉之亂歐陽大小夏侯尚書並亡濟南伏生之傳唯劉向父子所著五行傳是其本法而又多爭戾至東晉豫章內史梅賾始得安國之傳奏之時又開莽典一篇齊建武中吳眺與方於大術市得其書奏

上比焉鄭所注多二十八字於是始列國學梁陳
 所議有孔鄭二家齊代唯傳鄭義至隋孔鄭並行
 而鄭氏甚微自蘇所存無復師說又有尚書遺篇
 出於齊梁之間考其篇目似孔壁中書之殘缺者
 故附尚書之末

三皇五帝書 古三墳

禮外史掌三皇五帝之書注楚靈王所謂三墳五典
 說按孝經經三皇無文有文字之後即錄三皇時事
 昭十二年左史倚相能讀墳典三墳三皇時書五典
 帝之常典延叔長堅馬季長等說不同惟孔安國

尚書序解與鄭同 書序三墳言大道五典言常道

春秋正義賈逵云三墳三王一作之書五典五帝

之典延篤言張平子說三墳三禮禮為人防天地人

之禮五典五帝之常道馬融說三墳三氣陰陽始生

天地人之氣也五典五行也諸家各以意言注云

皆古書名 史記太史公曰尚書獨載堯以來而百

家言黃帝其文不雅 中興書目三墳之目見於孔

序漢志不載元豐中年漸春使京而得之其書

以山氣形為別山墳謂之連山氣墳歸藏形墳沖範

與先儒言三易異其中有姓說一篇三策一篇政典

三四五
二篇合為三卷皆依託也序曰三墳各有其墳乃
文傳乃隸書胤征引政典今政典之文頗與書合
史通諸子廣造奇說其語不經其書非聖故馬遷序
言神農已前吾不知矣班固亦曰顯帝之書未可明
也程子曰如許行為神農之言及陰陽醫方稱黃
帝之說

帝典

大輿帝典曰克明峻德江堯典

虞書舜道經

說文虞書曰仁閱覆下則稱昊天荀子解蔽篇

之治天下不以事詔而萬物成故道經曰人心之危
道心之微注今虞書有此語而云道經蓋有道之經
也

夏書

左傳賦納以言明試以功戒之用休云云勿使墮念
茲在茲成允成功寧失不經官占唯能蔽志皆以為
夏書沈漸則克高明柔克無偏無黨三人占從二人
皆以為商書夏書多帥德夫常一句又字小異

語夏書曰怨豈在明於書正義左傳莊八年夏書

曰皇陶邁德僖二十四年夏書曰地平天成二十七

年夏書賦納以言襄二十六年夏書曰寧失不經皆在

當云夏書而云夏書者以事關禹故引為夏書若洪範以爲周書以箕子至周商人所陳而傳引之即曰商書也

周語夏書有之衆非元后何戴書曰民可近也而不

可也也在湯誓曰余人有辜無以萬夫萬夫有

辜在余一人按湯誓無此信方

禹雜書本文綠字九章

洪範天錫禹洪範九疇注天與禹洛出書神龜負文

而出列於背有數至于九禹遂因而第之以成九類

以五行爲始而至十義云正義漢書謂爲九章劉歆以

爲禹治洪水錫洛書法而陳之洪範是也龜負洛書

經無其事中候及諸緯多說黃帝堯舜禹湯文武

圖書之事皆云龍負圖龜負書緯候之書不知誰作

通人討覈謂起哀平五行志云凡此六十五字皆

雜言本文初一日等二十七字必是禹加之敬用農

用等十八字大劉顧氏以爲龜背先有總二十八字

小劉以爲敬用等亦禹所第然其龜文惟有二十字

未知孰是皇極稽疑庶徵不言數漢五行志實云

在父師位而典之武王虛已問焉初一至次九凡此

六十五字皆雜書本文所謂六法九章大戴禮明

堂篇二九四六五三六一八鄭氏注云法龜文也

人曰以九數為洛書。隋志洛書六篇。晉志大

觀濁河而受綠字。襄瀛之內可得而言。綠字非洛

也。宋志黃帝龜書出洛。沈璧于洛。玄龜負書。湯

東至洛有黑龜赤文成字。成王禮洛玄龜背甲刻書。

赤文成字。東京賦龜書界。淮南子至德之興。

洛出丹書。白虎通德至淵泉則洛出龜書。文選注雜書曰秦

漢金鏡魚目入珠中候曰玄龜負圖出洛。周公援筆

寫。光武雜文引雜書。劉牧曰易曰天地之數五

有五即洛書自然之數。朱文公曰洛書本文五

十五點蓋取龜象凡數自一至五五在中自九至五

五亦在中戴九履一左三右七五亦在中。關子明

曰洛書之文九前一後三左七右四前左二前右八

後左六後右。黃度曰一九二八三七四六分據八

方而五居中。

商書

墨子經五夏書曰禹七年水。殷書曰湯五年旱。呂

氏春秋夏書曰天子之德廣運乃神乃武乃文。註逸

商書曰五卅之廟可以觀。萬夫之長可以生謀。註

商書曰刑三百罪莫重於不孝。周書曰若臨深淵

若履薄冰文公所傳 說文商書相時無民 記充

命曰民立而正事純而祭祀是為不敬敬孫務時敏

尹吉曰作告惟尹躬及湯自周有終 孟子伊訓曰

天誅造攻自牧宮 荀子臣道篇書曰從命而不拂

微諫而不倦為上則明為下則遜注 漢書伊

訓篇曰誕資有牧方明

周書

左傳成十六年范文子戒晉侯周書曰惟命不于常

注 襄二十五年衛大叔儀言書曰慎始而敬

終終以不困注 昭六年叔向言書曰聖作則

注 逸書二十年苑何忌云康誥曰父子兄弟罪不相

及注 周書康誥今無 傳引周書惟德是輔乃大明

服庸庸祗祗明德慎罰不敢侮鰥寡大德畏其力惠

不惠茂不茂皆今有 國語周書所謂重黎實使天

地不通周書曰文王至于日中昊不皇暇食惠于小

民唯政之恭周書有之曰怨不在大今有 孟子康

誥凡民罔不憖泰誓曰無畏寧爾也惟曰其助上帝

記 甫刑曰苗民匪用命君雅曰夏日暑雨君奭曰

昔在上帝周田觀文王之德 緇衣注古文為割申

勸寧王之德今博士讀為厥亂勸寧王之德三者皆

異古文似近之

呂氏春秋周書曰允哉允哉

注逸

書

說苑周書曰前車覆後車戒

文選注周書曰

乃辨九服之國又曰湯歸於亳三千諸侯大會武王將渡河中流白魚入王舟會武王於郊下者八百諸侯

周書 周史記

周記

青史氏記

周

百二十國寶書

漢志周書七十一篇注周史記師古曰劉向云周時

誥誓號令也蓋孔子所論百篇之餘今所存者四十

五篇

隋志雜史周書十卷

雜史七十二部周書十卷爲之首

汲冢

書似仲尼刪書之餘

唐志雜史汲冢周書十卷孔

晁注周書八卷

崇文目同

史通周書與尚書相類

即孔氏刊約百篇之外凡爲七十一章上自文武下

終靈景其有典雅高義亦有淺末常說殆似後之好

事者所增益也

書多駁辭宜孔子所不取抑戰國處上私相綴續以周爲名孔子亦未必見

至若職方之言與周官無異時訓之說比月令多

同斯百王之正書五經之別錄史通引周書殷祝篇今按汲

冢周書十卷晉五經博士孔晁注凡七十篇始於度

訓終於噐服序在卷末其畧曰昔在文王商紂並立

困於雲政將弘道以彌無道作度訓車服制度明不

荀踰作器服周道於焉大備

孔晁注或稱十卷或稱八卷

隋唐志

皆云此書得之晉大康中汲郡魏安釐王冢

武帝紀或寧五

年十月得竹簡古書然劉向班固所錄並著周書七十一篇且

謂孔子刪削之餘而司馬遷史記武王克殷事與此

合周紀武王登臨卓望洛邑余廣日出周書鄭玄注周禮行人云周書王

會備焉注儀禮鄉射云周書曰北唐以問說文引逸

周書大翰若翬雉豈漢世已入中秘其後稍隱耶篇

目比漢但闕其一必班劉司馬鄭許所見繫之汲冢

失其本矣時訓明堂記禮者所采錄克殷度邑遷史

所援據杜氏左傳注引千里百縣疏云周書存者其

書

文非尚書之類左傳疏引周書謚法

周公謚法一卷即此書第五十

也四篇晉狼曠曰周志有之勇則害上不登於明堂注

周書也其語今見篇中漢小說家虞初周說應劭謂

以周書為本說文爾雅注引逸周書楊賜修德修政

之言馮衍傳注小開篇司馬相如傳注王季宅程唐

大衍曆議維元祀二月丙辰朔武王訪于周公又竹

書十一年庚寅周始伐商文選注周史梓闕之夢皆

是書也楚卅家欲起無先蘇秦說魏縣縣不絕蔓蔓

柰何墨子國無三年之食非其國蒙恬傳必參而伍

之王商傳以左道事君者誅史貨殖傳農不出則乏

嘉靖庚戌年

食工不出則乏事商不出則三寶絕大戴保傳篇注
習之為常皆曰周書淮南汎論訓周書曰上言者常
下言者權注以為周史之書蕭何云天子不取反受
其咎顏氏注周書本與尚書同類蓋孔子所刪百篇
之外劉向所奏有七十一篇主父偃云安危在出令
存亡在所用注以為本尚書之餘陳湯傳谷永云記
功忘過宜為君注以為尚書之外周書今書有無其
語者豈在逸篇乎文選注引古文周書穆王事書
正義引及豕古文云盤庚自奄遷
殷于書正義漢張霸偽造尚書百兩篇而為緯者附
之鄭作書論依尚書緯云孔子求書得黃帝玄孫帝

唐

魁之書迄於秦穆公凡三千二百四十篇斷遠取近
定可為世法者百十篇以百二篇為尚書十八篇
為中候去三千一百二十篇公羊疏公羊以為哀
公十四年獲麟之後孔子得端門之命乃作春秋按
閔因叙云昔孔子受端門之命制春秋之義使子夏
等十四人求周史記得百二十國寶書九月經立感
精符考異郵說題辭具有其文如楚之書鄭之志魯
之春秋魏之紀年此其可言者又引詳疑論云
子吾見百國春秋周公朝讀書百篇左傳哀三年
南宮敬叔命周人出御書注周人司周書典籍之官

史記周紀周太史伯陽讀史記曰云云正義諸國皆有史以記事 十二諸侯表太史公讀春秋歷譜 謀至周厲王曰云云孔子西觀周室論史記舊聞興 於魯而次春秋左丘明因孔子史記具論其語 六 國表秦燒詩書諸侯史記尤甚為其有所刺譏也詩 書復見者多藏人家而史記獨藏周室以故滅惜哉 獨有秦記不載日月其文畧不具 陳氏曰古者諸侯 志小史掌之而藏周室魯人所謂周人御書晉 人所謂辛有之二 董之於是 有董史是也 陳 世家孔子讀史記 楚復陳 韓非子周記曰無尊 大臣以擬其主 國晉語瞽史之記曰唐叔之世將

建

如商數嗣續其祖如穀之滋西方之書有之曰懷與安 實疾大事注西方謂周也 大戴禮保傅篇青史氏 之記曰古者胎教 漢志小說家青史子五十七篇 古史官記事也 風俗通義引 青史子書 隋志梁有青史子一 卷 文心彫龍青史曲綴於街談 莊子孔子西藏 書於周室又金版六弋釋文皆周書篇明 蘇秦讀周 書陰符 左傳注 轡之柔矣逸詩見周書疏彼引詩 云馬之剛矣轡之柔矣馬亦不剛轡亦不柔志氣庶 庶取與不疑其書今在文非尚書之類 左傳正義沈 氏云嚴氏春秋引觀周篇云孔子將脩春秋與左丘

明乘如周觀書於周史歸而修春秋之經丘明為傳共為表裏蜀志秦宓曰書非史記周圖仲尼不采

漢九家書 三家經文

藝文志書九家四百一十二篇入劉向稽疑一篇注

畧之外古文經四十六卷孔安國作傳疏經二十

九卷大小夏侯二家歐陽經三十二卷師古曰二十

授者疏云泰誓傳四十一篇即伏生歐陽章句三十

一卷大小夏侯章句各二十九卷大小夏侯解詁二

十九篇歐陽說義二篇劉向五行傳記十一卷許商

五行傳記一篇周書七十一篇議奏四十二篇石梁

書

論孔子纂凡百篇而為序言作意秦燔書濟南伏生

勝獨壁藏之漢興亡失得二十九篇古文出孔壁多

十六篇劉向以中古文校歐陽大小夏侯三家經文

酒誥脫簡一召誥脫簡二文字異者七百有餘脫字

數十劉歆曰孝文貽使鼂錯從伏生受尚書泰誓後

百酒誥之篇俄空焉今亡失漢儒朱嘗見古文冲

舒魚鳥劉歆丙午還師之言皆與古文不同禮記

以咸有一德尹牙為尹告君雅司馬遷以盤庚為帝

辛時文候之命為重耳鄭玄以胤征為臣名旅葵為

酋豪夏侯以囑夷為錫錢唐虞官百鄭

漢書曰自古書契之作而有史官其載籍博矣至孔

氏纂之上繼唐堯下訖秦繆唐虞以前雖有遺文其

監生趙祖綬刊 上海卷三十七

語不經故言黃帝顓帝之事未可明也

漢古文尚書

藝文志尚書古文經四十六卷為五十七篇注師古曰孔安

國書序云凡五十九篇為四十六卷承詔作傳引序各冠篇首定五十八篇鄭玄叙贊云後又亡其一

故五古文出孔子壁中皆古字也 隋志孔惠所藏家語孔騰漢記尹敏

傳孔安國孔子後世孫一悉得其書攷二十九篇得多

十六篇獻之遭巫蠱事未列于學官 儒林傳孔氏

有古文尚書安國以今文字讀之逸書得十餘篇遭

巫蠱未立學官安國授都尉朝司馬遷亦從安國問

故遷書載堯典禹貢洪範微子金縢諸篇多古文說

書

朝授膠東庸生生授胡常卮十九篇其一是一百篇之

世所傳百兩篇出東萊張霸分析合二十九篇為數

十采左氏傳書叙為作首尾凡百二篇文意淺陋成

帝時以中書校之非是注中書天子所藏之書 黜其書 隋志

古文尚書十三卷唐志崇馬融注十一卷鄭玄注九

卷唐志王肅注十一卷唐志晉范甯注古文舜典一

卷唐志任孝恭古文大義杜林傳古文賈逵作訓馬

融作傳鄭玄為注然其所傳唯二十九篇雜今文非

孔舊本晉世祕府所存有古文尚書經文今無傳者

正義安國傳不行張霸之徒偽作舜典汨作九共

大禹謨益稷五子之歌胤征湯誥咸有一德典寶伊
訓肆命原命武成旅獒罔命二十四篇除九共九篇
共卷為十六卷故以伏生二十八篇分出舜典益稷
盤庚二篇康王之誥及秦誓二篇為三十四篇合於
孔氏五十八篇四十六卷之數志云古文又多十六
篇篇即卷也即是偽書二十四篇不見孔傳劉向班
固劉歆賈逵馬融皆不見真古文而誤以此為古文
馬鄭諸儒莫覩其學見於
經典者諸儒皆謂逸書
甲說命等見在而云亡
而云逸 鄭序以為
書四十篇贊云三
百篇次第孔鄭不
之 五 之 次及序為文鄭

氏所奏別錄為次鄭注禮記遇引今尚書所有之
皆曰逸書桓譚新論云 文尚書 有四十五卷
服虔杜預皆不之見 注左傳亂其紀 云夏桀時杜
寧失不經長不集于房官占唯能敵 惟彼陶唐
不在明皇天無親民之所欲大國畏其力官師相規
趙岐注孟子天降下民作之君作之師綏厥士女湯
一征自葛始不顯不承韋昭注國語眾非元后何戴
關石繇均皆以為逸書孟子引太誓曰我武
惟揚趙岐謂古尚書百二十篇之時太誓也 按伏生
所傳三十四篇謂之今文則夏侯勝夏侯建歐陽和
伯三家所傳及蔡邕所勒石經是也孔所傳者庸生
劉歆賈逵馬融等所傳是也劉歆賈逵馬融等並傳
孔學云十六篇逸與安國不同者良由孔注之後其
書散逸傳注不行庸生賈馬等惟傳孔學經文三十
嘉靖庚戌年

三篇鄭與三家同題曰古文尚書篇與夏侯等同而經字多異晉王肅注書始似竊見孔傳注亂其紀綱為夏太康時

晉皇甫謐得其書載於世紀鄭冲得而傳之授蘇愉

愉授梁柳柳即謐之外弟也授臧曹曹授梅賾一作奏

上其書元帝時亡舜典一篇自乃命以位以上二十八

堯典慎徽五典以下晉末范甯為解時已不得焉至

齊建武四年姚方興於大航頭得而獻之事亦隨寢

釋文若稽古以下十二字是姚方興上孔氏至隋開

皇二年募遺典乃得其篇自漢武至隋開皇凡六百

傳學正義又曰史記及儒林傳云伏生獨得二十九

以考齊魯則今之秦誓非初伏生所得鄭玄書以

云民間得秦誓別錄曰武帝末得於壁內獻之與博

士使讀說之數月皆起傳以教人房宏等說云宣帝

元年河內女子有壞老人屋得古文秦誓三篇今史

漢書皆云伏生則司馬遷時已得秦誓以并歸於伏

生不得云宣帝時始出也書是本名尚是伏生所加

伏生本二十八篇盤庚出二篇加舜典益稷康王之

誥凡五篇為三十三篇加所增二十五篇為五十八

加序一篇為五十九為例有十曰典謨貢歌誓誥訓

命征範孔依壁內篇次及序為文鄭依賈氏所奏別

錄為次百篇次第孔傳三十三篇與鄭注同二十五

篇增多鄭注畢命正義漢初不得此篇有偽作其

言以代之者漢律曆志云康王十二年六月戊辰朔

三日庚午故畢命豐刑曰惟十有二年六月庚午

王命作策書豐刑此偽作者不知豐刑之言何所首

也鄭康成曰今其逸篇有冊命霍侯之事不同與此

序相應非也康成所見又似異於豐刑皆妄作也

吾爽正義鄭玄不見周官之篇言此師保為周禮師

大保氏大夫之職言賢聖兼此官甲乙鄭玄云

皆與尚書序將治亳殷見室內之書云將始宅

春秋正義今尚書大誓謂漢魏諸儒馬駘鄭玄

等所注者漢初尚書唯得二十八篇故大常孔

安國書云二十八篇前世以為放二十八篇不

知有百篇也後又得偽大誓一篇通為二十九篇漢

魏未立於學官馬駘尚書傳序云大誓後得按其文

似若淺露善傳所引大誓不在大誓者甚眾畧舉五

事以明之春秋國語孟子孫卿禮記王肅亦云大誓

近非本經杜氏在晉初亦未見真本元帝時梅賾始

嚴安國所注古文其內有泰誓一篇記傳所引悉有

之漢魏諸儒不見古文因伏生之謬從堯典至胤在

凡二十篇摠名曰虞夏書故傳通謂大禹謨以下皆

為夏書杜不書說伊尹之事與書序大序按玉肅注尚

書其言多是孔傳疑肅見古文匿之而不言也

後漢紀章帝建初八年十二月戊申詔選高才生受

古文安帝延光二年正月選三舍郎及吏人能通古

文尚書毛詩穀梁春秋各一人傳杜林傳洽多聞

稱名儒河南鄭興東海衛宏等皆長於古學與書

劉歆林邁之訖然濟南徐巡始事宏後更受林學

於西州得漆書古文尚書一卷寶愛之出示宏

林離兵亂帝恐斯經將絕何意二子復能傳之

斯道竟不墜於地宏為作訓古於林於是古文遂行於林

孫能讀古鄭玄從張恭祖受古文尚書以山東無

足問者乃西入關事馬融賈逵父徽受古文尚書

於塗暉風俗通曰塗姓塗山氏之後傳張楷通

文作尚書注周盤學古文洪範盧植上書曰少

從通儒馬融受古學願詣東觀專心研精合尚書章

句劉祐學古文尚書傳注尹敏習歐陽尚書後

受古文周防事蓋豫受古文尚書撰尚書雜記

孔僖自安國以下世傳古文尚書楊倫師事丁鴻

習古文尚書特徵博士衛宏從杜林更受古文尚

書

書作訓

儒林傳師古注引衛宏定古文尚書序

始私

吳志虞翻傳奏鄭玄解尚書違失事曰古文

篆卯字讀當為柳古柳卯同而以為昧分比三苗比

古別字又訓比猶別也又云所注五經違義尤甚者

六十七事不可不正

周禮注書曰度西曰柳穀釋文云古文宅與度字相

似月令疏異義云今文尚書歐陽說古尚書說

記緇衣注古文周田觀文王之德為割申勸寧王之

德今博上讀為歎亂勸寧王之德三者皆異古文似

近之詩

白厥篚玄黃疏鄭禹貢注引

征曰篚厥玄黃鄭不見古文而引張霸尚書詩箋又

引書曰天將有立父母民之有

詩疏洪範稽疑論卜兆有五曰圍注云圍者色澤光

明蓋古文作悵今文作圍賈逵以今文較之定以為

圍鄭依賈氏所奏大明疏太誓曰師乃鼓譟前歌

後舞格于上天下地咸曰孜孜無怠疏又引太誓云

司馬在前王肅曰司馬太公也商頌疏賈逵馬融

說尚書云史記惟刑之靜哉注今文云惟刑之謚

哉魯世家作餽禾殷紀小辛立百姓思盤庚乃作盤

庚三篇伯禽作彤誓索隱按尚書大傳作鮮誓索

索

隱古文在治忽今文作采政忽史記作夾始滑平章百姓今文作辨章春言東作夏言南為

大誓曰正稽古立功立事可以永年丕天之

文後揚賜傳書曰天齊乎人假我一日

尚書曰上刑挾輕下刑挾重注與今尚書不同

經注淇水又北逕頓丘縣故城西古文尚書以為觀

地

葉氏曰安國自以博考經傳採摭群言然孟子載伊

訓造攻自牧宮不言鳴條春秋傳述五子之歌衍率

彼天常一句證康誥父子兄弟罪不相及今文乃無

書

有若荀卿引中歸曰諸侯自為得師者王得友者霸

引康誥曰惟文王敬忌一人以擇其繆妄如此禮記

以申勸寧王之德為田觀文王以庶言同則亡釋字

其乖悟如此朱文公曰漢書引秦誓云立功立事

疑即武帝世所得者律歷志引畢命伊訓字畫有

與古文畧同者疑即伏生口傳而晁錯所屬讀者其

引武成則伏生無此篇必張禹所偽作

漢尚書逸篇

記坊記注今秦誓無此章正蓋鄭不見古文尚書漢

時別有尚書逸篇四月太子發上祭於畢以下三篇

之事隋志徐邈撰古文尚書音一卷尚書亡篇序

一卷梁五經博士劉勰注尚書逸篇二卷出於齊

梁間考其篇目似孔氏壁中書之殘缺者故附尚書

之末唐志徐邈注尚書逸篇二卷書正義錯亂

摩滅四十二篇以不可復知亦上送官張霸之徒於

鄭注之外偽造二十四篇劉向列錄云二十八篇藝

文志云古文又多十六篇篇師也即是偽書劉歆

三統歷論武王伐紂引今文泰誓云丙午逮師武成

越若來三月五日甲子咸劉商一受並不與孔同亦

不見孔傳也賈逵云流為烏與孔亦異董仲舒對策

是武帝時漢律歷志引武成篇云惟一月壬辰至祀

於周廟與此經不同仲是焚書之後有人偽為之漢

世謂之逸書其後又亡其篇鄭玄云武成逸書建武

之際亡謂彼偽武成也孟子注孟子時尚書凡百

二十篇逸書有舜典之叙亡失其文孟子諸所言舜

事皆堯典及逸書所戰皆尚子注自常常以下白虎

通書逸篇曰厥北天子爵尚書亡篇曰太社唯松東

社唯栢南社唯梓西社唯栗北社唯槐此史劉芳

傳尚書逸篇曰太社唯松南史任昉得一篇缺簡

劉顯曰是古文尚書所刪逸篇昉檢周書果如其說

左傳聖作則慎始而敬終終以不困命以伯會唐

諸皆策命篇名漢律志先其策命注逸書

子維高宗錄上甲微孟子不及頁以政接于有原

史記恃德者昌恃力者亡說文引逸周書

五行志注引逸周書歷志引古文月采篇異命豐

刑莽傳有書逸嘉禾篇趙岐杜預韋昭注書凡

見於二十五篇之內者皆謂逸書實未嘗逸也

漢尚書三家博士古文尚書古文同異

魏文志歐陽章句三十一卷大小夏侯章句各二十

九卷大小夏侯解故二十九篇歐陽說義二篇說孝

宣世歐陽大小夏侯氏立於學官後儒林傳前書

伏生傳尚書授歐陽大小夏侯氏三家皆立博士孔

安國傳古文未得立前傳贊武帝立五經博士開

弟子負百有餘年傳業寢盛初書唯有歐陽至孝宣

世復立大小夏侯尚書平帝時又立古文

歐陽生字和伯千乘人學伏生授兒寬寬授生子世

世相傳至曾孫高為博士高孫池餘為博士論石

渠至歛八世博士林尊事高為博士論石渠授

平當陳翁生論石渠由是有平陳之學翁生授

嚴崇為博士嘗授朱普為博士桓崇受朱普學

章句四十萬言浮辭過實崇入授顯宗顯宗師事

博士桓崇學通尚書於世祖減為二十三萬

言于郁復刪省定成十二萬言由是有桓君大小

太常章句崇世相傳授代作帝師建寧初詔太

傅三公選通尚書桓君章句者三公舉楊賜侍講

華光殿楊震受於桓郁張酺言崇丁鴻從

崇明章句善論難為都講年長習歐陽拜博士

著錄萬人若尚書章句皆本之歐陽氏俗號年

章句宗登授數千人尹敏初習歐陽後

古文張奐事朱寵學歐陽尚書初年

九萬言杜喬治歐陽徐穉學歐陽鮑永

大夏侯都尉名從濟南張生張生受尚書於伏生傳族子始昌

始昌傳勝勝又事簡卿兒寬門人勝從始昌又從

歐陽氏問為學精孰所問非一師宣帝時遷太子

太傅受詔撰尚書論語說賜黃金百斤師古曰解

於義說也十一論論魯孔霸事勝為博士同堪事

勝論石渠經最高湛授年卿為博士及許商霸子

光亦事年卿由是有孔許之學商門人焮欽為博

士宋意父京張子雋賈達以大夏侯教授年

甄習大夏侯 吳良習大夏侯學通師法經任博士
小夏侯勝傳從兄子達達師事勝文事歐陽高左右
采獲又從五經諸儒問與尚書相出入者牽引以
次章句具文飾說勝非之曰達所謂章句小儒破
碎大道達亦非勝為學疏畧難以應敵達卒自顯
門名經 張山拊事達為博士論石渠授李尋鄭
寬中張無故秦恭延君假倉無故善脩章句恭增
師法至百萬言倉論石渠寬中以博士授太子由
是有鄭張秦假李氏之學恭授馮賓為博士 菟
文志說五字之文至於二三萬言注桓譚新論云

奏述君能記堯典篇目兩字之文至一餘萬言但
說畧楷古三萬言 中興王良習小夏侯

古文 周防薦補博士 楊倫特召博士 晉大興

初尚書鄭氏古文孔氏置博士

儒林傳見寬又受業孔安國初見武帝語經學上曰
吾始以尚書樸麤弗好及聞寬說可觀乃從寬問一
篇歐陽大小夏侯氏學皆出於寬 後賈逵傳蕭宗
好古文尚書遠數為帝言古文與經傳爾雅詁訓相
應詔令撰歐陽大小夏侯尚書古文同異逵集為三
卷帝善之復令撰齊魯韓詩與毛氏異同并作周官

解詁選初八年乃詔諸儒各選高才生受古文尚書

達著經傳義詁及論難百餘萬言學者宗之傳鄭玄注同解由是姓劉馮與服志永平二年

乘與服從歐陽氏說公卿以下從大小夏侯氏說元初六年以歐陽家說更六宗祠隋志三家並立而

歐陽景盛晉永嘉之亂歐陽大小夏侯尚書並亡正義七傳云三言正義歐陽夏侯謂父族四母族

三妻族二九族歐陽大小夏侯說皆云在六者之間

助陰陽變化六辨詩正義異是我九族今禮戴尚書

歐陽說云九族乃異姓有親屬者父族四母族三妻

族二古尚書說從高祖下至玄孫凡九皆為同姓

類上帝尚書夏侯歐陽說以事類祭之就南郊期於

古文尚書說百變周禮疏夏侯歐陽說其罰百索

正義按史記秦時焚書伏生壁藏之後求其書亡數

十篇獨得二十九篇以教于齊魯之間而云口以傳

授者蓋傳教既久請文則熟又言裁二十餘篇意以

為少之辭又二十九篇自是計卷若計篇則三十四

去秦誓猶有三十一劉歆云秦誓後得別錄云武帝

時氏得於壁內獻之又傳志伏生口傳二十八篇三

詩氏得於壁內獻之又傳志伏生口傳二十八篇三

詩氏得於壁內獻之又傳志伏生口傳二十八篇三

詩氏得於壁內獻之又傳志伏生口傳二十八篇三

詩氏得於壁內獻之又傳志伏生口傳二十八篇三

詩氏得於壁內獻之又傳志伏生口傳二十八篇三

詩氏得於壁內獻之又傳志伏生口傳二十八篇三

詩氏得於壁內獻之又傳志伏生口傳二十八篇三

詩氏得於壁內獻之又傳志伏生口傳二十八篇三

詩氏得於壁內獻之又傳志伏生口傳二十八篇三

詩氏得於壁內獻之又傳志伏生口傳二十八篇三

歷引武成粵若來三月武王燎于周廟刑法志引素
書之功立事皆今文也

尚書大傳

漢藝文志傳四十一篇鄭大隋志大傳三卷鄭玄

注崇顧彪撰音二卷伏生作尚書傳四十一篇授

同部張生張生授千乘歐陽生唐志伏勝庄大傳

三卷又暢訓一卷唐志尚書暢中興書目按鄭

康成序云蓋自伏生也伏生為秦博士至孝文時年

且百歲張生歐陽生從其學而授之音聲猶有說

與先後稍有差舛重以篆隸之殊不能無失生終後

以之意彌縫其闕別作章句又特撰

一為三傳康成始註次為八十三篇

經典序錄尚

大傳篇目有九共之中告嘉禾揜誥之類虞傳有九共

引書曰予辯下土使民平平使民無傲殷傳有帝告

引書曰施章乃服明上下又大傳云子夏讀書畢見

夫子夫子問何為六書對曰書之論事昭昭如日月

之代明離離如參辰之錯行禮記周禮注疏大白虎

文記歐協六經異傳索隱云如尚書大傳

劉向傳

後漢五行志五

行傳注禰鄭玄曰皆出注大傳也

記記曰月行中道移節應期德厚受福重華留之

晉五行志漢文帝時歲生創紀大傳

者是濟南伏生書傳文

傳王薄疏唐傳云古者有命民有飾車駢馬衣錦

詩疏堯典平章百姓書傳作辯章平辯義通又引

書正義引伏生書傳西伯書傳引

音序伏生口以傳授裁二十餘篇伏生以舜典合於

與益稷合於皇陶謨盤庚三篇合為一康王之誥

後漢五行志五

即顏傳尚書洪

周禮疏書曰

生書傳有虞夏

平辯義通又引

西伯書傳引

伏生書傳

以舜典合於

康王之誥

合於顧命釋文曰即馬鄭所注二十九篇疏秦誓本

非伏生所傳武帝世始出而得行史因以入於伏生

所傳之內故云一十九篇堯典皇陶謨禹貢甘誓湯

誓盤庚高宗彤日西伯戡黎然子牧誓洪範金縢六

誥禋禘梓材召而洛誥多方名士立政無逸君奭顧

命呂刑文侯之命費誓秦誓凡二十八篇加秦誓為

十九古文增多一十五篇大禹謨至周命復出五

篇儒林傳秦時伏生壁藏漢定求其書亡數十篇

獨得二十九篇教子齊魯之間孝文詔太常使掌故

晁錯往受之注臨古曰衛宏定古文尚書序云伏生

壁藏漢定求其書亡數十篇

獨得二十九篇教子齊魯之間

孝文詔太常使掌故晁錯往受之

注臨古曰衛宏定古文尚書序云伏生

若不能正言言不可曉使其女傳言教錯齊人語多

翼頴川異錯所不知凡十二三畧以其意屬讀而已

敬以漢教于齊魯之世 生求其精錯受之篇獨得二十 何以十學於

尚書中候

隋志尚書中候五卷鄭玄注梁有八卷今殘缺

鄭玄注中候依運斗樞以伏犧女媧神農為三皇

云五帝帝鴻金天高陽高辛唐虞氏六人名五帝

與稱堯受圖書已有稷名在錄

禮記合符云云 禮記紀說堯考河命說舜契握云

禮記云云 禮記云云 禮記云云 禮記云云

稷生感迹 南齊志引微明篇

漢中文尚書

陶傳明尚書春秋為訓詁推三家尚書夏候勝建

古文是正文字七百餘事名曰中文尚書

漢尚書雜記

儒林傳周防受古文撰尚書雜記三十二篇四十

萬言張奐傳學歐陽著尚書記難三十餘萬言

漢鄭玄書贊

正義鄭玄書贊云我先師棘子下生安國亦好此學

帝賈馬二三君子之業又云孔子乃尊而命之曰尚

書

玉海卷之六

書 遠序名故謂之贊

魏文志注師古曰鄭玄序贊

云後又亡其一篇

言正義鄭玄注書序舜典云入麓伐木注五子之歌

云避亂於洛汭注胤征云胤征臣名又注禹貢引胤

征云厥篚玄黃昭我周王又注咸有一德云伊陟臣

扈曰又注典寶引伊訓云載孚在亳又曰征是三股

又注旅葵謂酋豪之長

漢尚書正經

尚書傳美著禮易傳詩傳尚書正經春秋條例又作

詳問及行錄

文公以諸篇本文為經而復

篇於後

漢尚書

史通晉廣陵相孔衍以為國史所以表言行昭決式

至於人理常事不足備列乃刪漢魏諸史取其美詞

與言足為龜鏡者定以篇第纂成一家由是有漢尚

書後漢尚書漢魏尚書凡為二十六卷唐志雜史

類孔衍漢尚書十卷後漢尚書六卷後魏尚書十四

卷唐志雜史尚書八卷孔衍撰梁十卷成

書傳畧說

禮大行人疏按書傳畧說云天子太子年十八授

侯謂正美孟侯者四方諸侯來朝迎於郊或可遠郊
 勞使世子為之是以孝經注亦云世子郊迎郊迎即
 郊勞也文雖據夏法周亦然玉藻疏按書傳畧說
 云祀上帝於南郊即春迎日於東郊王制疏見學
 檀弓疏周以至動殷以萌夏以牙公羊疏書
 傳畧說

魏尚書釋問

隋志魏侍中王粲尚書釋問四卷唐志四卷益璩王
 肅尚書駁議五卷唐志五卷義問三卷鄭玄王肅及晉
 博士孔晁撰唐志問一肅一卷安國問答三卷顧尚書釋

正義引王肅注

晉集解尚書

東晉本集解尚書十一卷唐志云尚書正義
 卷之末集解尚書十一卷唐志云經典正義
 李願注十卷集解尚書十卷范甯集解十卷
 正義李願集注尚書於偽秦誓引孔安國南史孔
 子法著尚書義二十卷集注尚書三十卷

梁尚書大義

隋志尚書大義二十卷梁武帝撰梁主言本有兩卷
 唐志任孝恭古文大義二十卷

唐二十五家書

藝文志經錄二曰書類二十五家三十三部三百六
 卷始於古文孔安國傳注釋有謝沈王肅范甯李顓
 姜道盛鄭玄呂文優王元度傳有孔安國古文伏勝
 大傳暢訓劉向洪範五行傳論馬融傳義疏有伊說巢
 荷曹胤蔡大寶劉焯顧彪劉炫孔穎達注逸篇則徐
 楚古文大義則任孝恭音義則顧彪王儉王孔之問
 答王察之釋問顧嵩吳綺之百問百釋衛包之今文
 經於正義不著錄者王元感糾繆穆元休洪範外傳
 續尚書崔良佐演範四家二十卷 隋志三

十二部二百四十七卷

崇文目七部八十一卷

中興書目二十二家一百八十七卷

續目十一卷

唐尚書正義

志尚書正義二十卷國子祭酒孔穎達太學博士
 德韶等奉詔撰四門博士朱長才蘇德融助教三士
 雄趙弘智覆審書目云承徽四年長正義序古文
 經晚行隋初始派河朔其為正義者蔡大寶三十卷
 巢荷三卷費魁十卷顧彪二十卷劉焯三十卷
 二十卷諸公文義淺畧唯焯炫最詳雅正觀十六年

奉勅與長才等對敕使趙弘智覆密

類達因費

存或去

隋書 顧彪為秘書學士撰古文尚書義疏

唐志 劉炫送義疏

二十卷

晉伊說義疏四卷

南史張譏尚書

義疏五卷

文外義一卷

又有廣疏十八卷

志今文尚書十三卷開元十四年八月十四日玄宗

以洪範無偏無頗聲不協詔改為無偏無陂天寶二

載七月

又詔集賢學士衛包改古文從今文

隋志

古文尚書十三卷今字尚書十四

卷北

文國傳 釋文孔氏用隸書寫古文凡四十二

卷南

文國傳 釋文孔氏用隸書寫古文凡四十二

卷西

文國傳 釋文孔氏用隸書寫古文凡四十二

卷東

文國傳 釋文孔氏用隸書寫古文凡四十二

五篇為商書四十一篇三十一篇二十七篇二篇存

義衛宏古文奇字序云秦改古文以為篆隸又曰古

文者蒼頡舊體周世所用之文字自蒼頡至周宣皆

蒼頡之體史籀始有大篆十五篇說曰篆籀惟篆與

籀頡二體而已秦罷古文而有八體非古文矣以至

亡新六書并八體亦用書之六體以造字於秦八體

用其小篆蟲書篆印隸書去其大篆刻符及書署書

而加以古文奇字大篆非古文蟲書非科斗書也

唐尚書糾繆

志王元感尚書糾繆十卷

會要長安三年三月上

又禮繩愆三十卷春秋振滯二十卷魏知古謂五經指南

唐尚書演範 洪範外傳

志崔良佐演範卷亡穆元休外傳十卷元休輔

高元中 常授應

唐無逸圖

見圖類

唐尚書君臣事迹圖

見圖類

侍講學士韋處厚路隋 舊紀穆宗即位元和十五年三月壬子召

洪範等篇既罷並賜緋魚

唐李至遠周書

見編年類

唐續尚書 文中子續書

志陳正卿續尚書篆漢至唐十二代詔策章疏歌頌

符檄論議成書開元末上之卷亡不著錄 蕭穎士

代正卿表尋討載籍始有漢二典次我唐二典以續

堯虞之典文景明章之後魏晉宋齊以還南迄有陳

北起元魏歷周隋洎高氏至聖朝總十二代詔策章

疏歌頌符檄忠臣之正議武士之摯謀類而刊之次

以年代以續夏商秦魯之篇嘗讀貞觀實錄太宗因
聽政之暇觀覽尚書謂侍臣曰朕每庶希唐虞亦思
公等齊肩稷契愚臣緬述太宗之旨勸成帝與不亦宜
乎王勃傳祖通隋末居白牛溪教門人甚眾起漢
魏盡晉作書百二十篇以續古尚書後亡其序有錄
無書者十冊勃補全缺逸定著二十五篇世
中撰
子續書一百五十五篇列為二卷
卷一為五篇卷二為十篇
之待並受六義貞觀中太宗原府君考六經之目亡其
序有錄無篇者又十六篇為序其卷時難集
二序有錄無篇者又十六篇為序其卷時難集
五序有錄無篇者又十六篇為序其卷時難集
晉之實起漢高祖止晉武帝續書帝命公命不
文中子中說續書始於漢以存漢

初結不秘無以天子之義列乎範者四口
志築大臣之義載乎業者七曰命訓對讀議或
白居易補湯征陳黯作禹誥蘇綽為大誥
開寶尚書釋文咸平古文音義

唐陸德明釋文用古文後周顯德六年郭忠恕定古
文刻板認疑結效太祖命判國子監周惟簡等重
修開寶五年二月詔翰林學士李昉校定上之詔名
開寶尚書定尚書釋文咸平二年十月乙丑孫奭請摹
印古文尚書音義唐志顧龜古文音義暗義與新定釋文

並行從之真言古文尚書釋文天聖八年九月十二日

日釋文晁氏志古文尚書十三卷孔安國

以詩古文定釋文自漢迄唐行於學官明皇改從今文

由是古文遂絕陸德明獨存其一二於釋文呂大防

得本於宋次道王仲至家以校釋文雖小有異同而

大體相類中興書目古文尚書二卷同國史志

唐孝明寫以今字藏其舊本開寶別定今文音義與

古文並行經典序錄近唯崇古文馬鄭王注遂廢

今以孔氏為正其舜典一篇仍用王肅本

景德尚書禮記圖 祥符觀尚書圖 皇

祐無逸孝經圖 紹興無逸圖

見圖類 又見帝學聖文類

唐盧頌以洪範篇書于縑素為章以奉之上洪範圖

章 宋朝吳仁傑撰洪範辨一卷增立新圖辨

辨 陳伯達為翼範一卷 仁宗時范雍繪尚

書四代圖進之以備中覽 元祐無逸講義 淳熙尚書講義

書目元祐五年二月壬寅講無逸終篇侍講司馬康

吳安詩范祖禹等錄進講義一卷 淳熙十六年正

月二十三日太傅史浩進講義二十二卷藏秘府

晁氏志元祐中願復吳安詩范祖禹司馬康無逸號命解三卷

紹興三墳訓義

紹興十六年九月六日秘書省言撫州布衣吳沆進三墳訓義三卷文理可來 晁氏志三墳書七卷張商英得於比陽民家墳皆古文傳乃隸書所謂三墳者山氣形也世以為偽撰蓋以比字筆陰符經云

淳熙禹貢論

四年七月九日刑部侍郎程大昌上禹貢論五十二篇後論八篇詔付祕閣辨云天賦水黑水大川都江

心傳失實因 書曰禹貢論五卷後論一卷專論河

汴二水之患又禹貢論五卷因禹貢備論歷代山川郡縣名稱改易以唐世地書為正大昌女完年代地理等為書譜二十卷

尚書治要圖

中興書目五卷不知作者有月令後漢志中星圖周禮九禮圖等篇取其與尚書參會也

書九意

晁氏志揚繪元素書九意一卷景亮 張煦之洪範論一卷景亮 胡翼

之洪範論一卷王氏洪範傳一卷安石蘇洵洪範論一卷孫覺
 一卷二圖孫詩洪範會傳一卷阮瑀阮瑀中傳孫覺
 華光尚書解十三卷王雱新經尚書十三卷揚時中
 立言義難疑一卷專攷蘇軾書傳十三卷王
 多顏吳范司馬無逸說命解三卷進謝紳所伊川書
 說一卷謝紳呂大臨書傳十三卷胡旦尚
 書演聖通論七卷國史志王晦叙周書音訓十二
 卷

洪範數

蔡沉謂體天地之撰者易之象紀天地之撰者範之

數數始於一奇象成於二偶奇者數之所以立偶者
 數之所以行故二四而八八卦之象也三三而九九
 疇之數也亦是八八而又八之為四千九十六而象
 備矣九九而又九之為六千五百六十一而數周矣
 易更四聖而象已著範錫神禹而數不傳後之作者
 時象數之源室變通之妙或即象而為數或反數而
 擬象洞極有書潛虛有圖非無作也索合傳會自然
 之數益聽焉嗟夫天地之所以肇人物之所以生高
 享之所以失得莫非數也數之體著於形數之用妙
 於理非窮神之化者曷足以語此 朱文公皇極辨

日皇者君之稱極者至極之義標準之名
邵氏曰唐虞其中天而興乎堯舜其應運而生乎其
猶夏之將至日之向中乎聖人刪書斷自唐虞時之
盛也

玉海卷第三十七

原缺

謂之六詩

正義六藝論云

鄭玄唐虞始造其初

君臣迭相賡

至周分為六詩

孔子純取周詩上采商

詩三百十一

篇亡者六篇

自文內則說負子之禮

至頃二十世

王澤竭而詩不作

春秋說題辭云詩之為

云詩負之註云

詩之言承也

然則詩有三訓

言志也詩緯含神

務云詩者持也

然則詩有三訓

書詩言志歌求言

工以納言時以

颺之注掌誦詩以

納諫

王制天子五年一

巡狩命大師陳詩

觀民風

大戴禮投壺篇凡

雅二十六篇其八

篇可歌

鹿鳴

采芣苢伐檀白駒

騶虞八篇廢不可

歌七篇

商齊可歌三篇間

歌

左傳三類注風雅

頌也疏一

商齊可歌三篇間

歌

左傳三類注風雅

頌也疏一

商齊可歌三篇間

歌

監生趙祖綏刊

王海卷六

國之事諸侯之詩為風天下之事天子之詩為雅成
功告神為頌
上林賦揜群雅注張揖云詩小雅之
材七十四人大雅之材三十一人

漢六家詩 三家詩 元主詩傳

翼要

藝文志凡詩六家四百六十二卷詩經二十八卷魯

齊韓三家應劭曰申公作魯詩后

魯志魯故二十五卷師古曰故者通其指義也他

真耳失魯說二十八卷漢興魯申公為詩訓故魯

最為近之 儒林傳言詩於魯則中培公申公與

詩

楚元王交俱事浮丘伯孫卿申公以詩經為訓故

以教亡傳疑者則闕弗傳弟子為博士十餘人瑕

丘江公盡能傳之徒眾最盛及魯許生免中徐公

韋賢治詩事博士大江公即公及許生王式事

徐公及許生式以三百五篇諫張長安先事武唐

長賓褚少孫亦來事式問經數篇式謝曰聞之於

師具是矣自潛色之不肯復授有韋氏張唐褚氏

之學博士江公世為魯詩宗列傳楚元王與申

公俱受詩浮丘伯文帝聞申公為詩最精以為博

士申公始為詩傳號魯詩元王亦次詩傳號元王

詩 薛廣德以魯詩教授 龔勝舍師事焉為博士
論石渠 後傳高詡魯祖嘉以魯詩授元帝至詡

世傳之為博士 李昂魯恭李業習魯詩 魯丕
以魯詩教授 包咸魏應受魯詩 陳重雷義俱

學魯詩 隋志小學有一字石經魯詩六卷
齊 志后氏蒼故二十卷傳二十九卷孫氏故二十

七卷傳二十八卷雜記十八卷 傳轅固治詩孝
景時為博士諸齊以詩顯貴皆固弟子夏侯始昌

最明后蒼事始昌蒼授翼秦蕭望之匡衡衡授師
丹伏理由是有翼匡師伏之學 蕭望之治齊詩

事 后蒼 後傳伏湛父理以詩授成帝別自名學

湛傳父業湛弟黯明齊詩改定章句作說解九篇
黯章句繁多子恭省減浮辭定為二十萬餘言

景鸞理齊詩作詩解文句 馬援受齊詩師事穎川
蕭昌

韓 志 韓故三十六卷內傳四卷外傳六卷說四十
一卷 隋唐止 韓嬰外傳析為十篇 傳韓嬰燕人孝

文時博士推詩人之意作內外傳數萬言頗與齊
魯殊然歸一也燕趙間言詩者由韓生河內趙子

事韓生授蔡誼誼授食子公與王吉吉授長孫順

由是有王食長孫之學 蔡義明經詔求能為韓

詩者徵待詔願賜清閒之燕得盡精思於前上召

見義說詩甚說之進授昭帝 後傳 鄧暉理韓詩

授皇太子 劉寬明韓詩外傳 杜撫受業於薛

漢定韓詩章句其所作詩題約義通學者傳之曰

杜君法 薛漢世習韓詩父子以章句著名 召

馴習韓詩建初中侍講帝嘉其義學 趙尋受韓

詩著詩細 李恂習韓詩教授諸生常數百人

鄭玄從張恭祖受韓詩 張文通習韓詩作章句

唐檀公沙穆夏侯恭習韓詩 隋志韓詩二十

二卷薛氏章句 文選注多引薛君章句 韓詩翼要

十卷漢侯苞撰

毛志毛詩二十九卷故訓傳三十卷 傳 公趙

人治詩 後漢書隋志云毛萇為河間獻王 士獻

王修學好古學舉六藝立毛氏學左氏春秋博士

毛公授同國貫長卿長卿授解延年延年授徐敖

敖授陳俠由是言毛詩本之徐敖 陳俠傳謝慢贊

平帝立毛詩 鄭氏詩譜云魯人大毛公為詁訓

傳獻王得而獻之以小毛公為博士 序錄子夏

授曾申 草木疏 曾申授李克李克授孟仲子孟仲

吉祐清丙辰年

子授根牟子根牟子授孫卿孫卿傳毛亨亨授毛

萇釋文吳徐整曰子夏授高行子高行子授薛倉

子薛倉子授帛妙子帛妙子授河間大毛公為故

訓傳授趙人小毛公後紀章帝建初八年十二

月戊申詔選高才生授毛詩安帝延光二年正月

選三署郎及吏人能通毛詩者一人後傳鄭衆

賈逵傳毛詩馬融作毛詩傳又注十卷鄭玄作

箋衛宏作毛詩序孔僖世傳毛詩隋志毛

詩二十卷漢河間太守毛萇傳鄭氏箋唐志毛

萇傳十卷文選注引孔氏曰漢初為傳訓者皆

詩

與經別行故后經書公羊傳並無經文毛為故訓
亦與經別至馬融注周禮欲省學者兩讀故具載
本文詩引經附傳不知誰為之二十九卷不知併
何卷也

志魯申公為詩訓故齊轅固燕韓生皆為傳或取春

秋采雜說皆非本義魯最為近之三家列於學官毛

公之學自謂子夏作傳河間獻王好之未得立隋

志齊詩魏代已亡魯詩亡於西晉韓詩存無傳者毛

詩鄭箋獨立經典序錄齊詩又亡魯詩不過江東

釋文鄭玄作箋申明毛義難三家於是三家遂廢

漢詩博士

後儒林傳魯齊韓三家立博士毛詩未得立河間獻王立毛

詩博士 劉歆 哀帝時建立

魯前傳文帝間申公為詩最精以為博士弟子為

博士十餘人江公世為魯詩宗唐生褚生應

博士弟子選詣博士摳衣登堂頌詩甚嚴試誦說

有法問何師曰事王式諸博士共薦式詔除下為

博士薛廣德事式以博士論石渠張生唐生褚

生皆博士張生授許晏為博士後傳高詡建

武中召為博士魏志建武初詣博士受業李

前傳韓嬰孝文時博士其孫商為博士

之事曰蒼復事同學博士白奇

後傳伏恭太常試經第一拜博士

前傳韓嬰孝文時博士其孫商為博士

為博士後傳薛漢建武初為博士楊仁與孝

康太常上仁經中博士仁自以年木五十不應

科上府辭選顯宗詔補北宮衛士今

國飲傳文帝時詩始萌牙衆書皆諸子傳說

廣立

於學官為置博士至武帝然後鄒魯梁趙頗有詩
春秋先師皆起建元間一人不能獨盡其經或為
或為須 儒林傳賈平帝時立毛詩

漢齊魯韓毛詩異同 詳見詩後

賈逵傳肅宗今撰齊魯韓詩與毛氏異同 隋志梁

有毛詩雜議難十卷侍中賈逵撰 晉孫毓毛詩異

同評十卷陳統難孫氏四卷毛詩表隱二卷晉楊文

毛詩辨異三卷異義二卷 魏志 賈逵集注 正義集注

勳著儀詩緯含神務尚書璿璣鈴旨云三百五篇者漢

也學不行三家不見詩序不知六篇者漢謂其唯

三百五篇齊韓之徒以詩經為章句與毛異非有

壁中舊本可憑毛氏字與三家異者動以百數毛無

破字之理正義序曰漢氏之初詩分為四中公騰芳

於鄆鄆毛氏先價於河間貫長卿傳之於前鄭康成

箋之於後 魏志注 魏禧說齊韓魯毛四家義不復

執文有如風誦 杜欽傳 佩玉晏鳴關雎歎之注此

魯詩也 明紀 詔應門失守關雎刺世注引薛君韓詩

章句揚子周康之時頌釐作乎下關雎作乎上習治

也習治則傷始亂 關雎正風之首而齊魯韓三家以

為康王政衰之詩 陳忠傳詩云以雅以南謀任采

雜注毛詩無之蓋見齊魯之詩也今亡正義繼衣
 引詩都人士首章鄭注此章毛氏有之三家則亡今
 釋詩實無此首章釋職鄭於中候程河紀注
 云昭王之時鼓鐘之詩所為作者依三家為說也此
 詩職釋義職釋文般詩於繹思蓋齊魯韓之文毛詩
 無此句今毛詩有者衍文也禮記禮記憲
 憲今德疏齊魯韓詩又郊特牲注為下國變郵疏云
 引齊魯韓詩也孔子閒居注讀湯齊為湯疏云三
 家詩禮記同禮在吉圭惟德疏鄭從二家詩是說之
 之序論曰齊魯齊魯二家之詩以禮為重

耳鶉巢采蘋采蘋駟虞鹿鳴四牡皇皇者華之類皆
 為康王詩王風為魯詩鼓鐘為昭王詩異同不可悉
 舉

魯詩 魯訓

揚賜傳康王一朝晏起關雎見幾而作注此事見魯

詩今云失班固傳注文選魯詩傳曰古有梁鄒者

天子之曰賈誼曰天子之曰與服

志注魯訓曰和設執者也驚設衛者也漢書注中

蕞之言魯詩以為夜也魯詩小雅十月之交篇此日

而食于何不穊又曰閻妻扇方處詩疏魯詩之義

以阮祖共皆為國名異義詩魯說殷中宗周成宣王皆以時毀禮記疏魯詩素衣為緇周禮疏異義

今詩韓魯說騶虞天子掌鳥獸官公羊傳注魯詩傳曰天子食日舉樂說文魯詩說籥小鼎防記

注先君之思以畜寡人此衛夫人定姜作此是魯詩正義鄭志云為記注時就盧君後得毛傳乃改之爾雅注魯詩云傷如之何

齊詩

翼奉傳竊聞齊詩聞五際之要十月之交篇注孟康曰詩內傳曰五際卯酉午戌亥也陰陽終始際會之

歲於此則有變改之政

詩正義案詩綿汎歷樞云大

始也嘉魚在巳火始也鴻鴈在中金始也四牡在寅木

論引春秋緯演孔云詩含五際六情沈歷樞云午

亥之際為革命卯酉之際為改正辰在天門出入候

聽卯天休也酉析父也午采芑也亥大明也然則亥

為革命一際也亥又為天門出候聽二際也卯為

陰陽交際三際也午為陰謝陽興四際也酉為陰盛

陽徵五際也郎顛傳四始之缺五際之危注韓詩

外傳云陰陽終始際會之歲於北則有變改之政又

引詩紀漢地志子之營兮遭我虜虢之間兮注毛

詩作還齊詩作營自杜沮漆注齊詩

韓詩

韓詩章句采芑傷夫也漢廣悅人也汝墳辭家也蝮
棘刺奔女也黍離伯封作也鷄鳴說人也伐木勞者

歌其事雨無極正大夫刺幽王也鼓鍾昭王之時作

賓之初筵衛武公飲酒悔過也商頌美襄公篇名之

異者如料木標有棊何彼莪矣嫵綦綦者莪洪漢

地理志周道郁夷芮院之即杜欽傳注仲山甫就封

于齋樊準傳京邑翼翼四方是則文選注奄有

九域在彼穹谷曹褒傳奚斯頌魯注薛君章句以

是詩公子奚斯所作後漢書注彼岨者岐有夷之

行薄言振之東有圃草皆引薛君傳又引薛夫子章

句牀關睢以刺時史記趙趙彘兔注引韓嬰章句

爾雅注心焉惕惕韓詩以為悅人釋文引韓詩

及說如劉彼甫田綠蔕猗猗之類

溫良而能斷者宜歌商注商宋詩史記宋襄

之時正考父作商頌又云仁義陵遲鹿鳴刺焉而

薄伐獫狁至於太原出與彭彭城彼朔方為周襄王

之詩劉向列女傳衛宣夫人作邶無黎莊公夫人

作去微蔡人之妻作采芣周南大夫妻作汝墳申人

女作行露衛定姜送婦作燕燕漢匈奴傳懿王時

戎狄文侯詩人歌之曰靡室靡家獫狁之故宣王詩

曰歲彼朔方漢天文志詩傳日月食非常也此之

日食猶常也日食則不臧矣孟子注小弁伯奇之

詩 白虎通相鼠妻諫夫之詩 孔叢子吾於四月
 見孝子之恩祭 國語注六月道吉甫佐宣王征伐
 復文武之業也 秦伯賦鳩飛引小宛之首章矣 殷王
 賜諸侯命服之樂也 黍苗道召伯述職勞來諸侯也
 周禮疏案異義韓魯說騶虞天子掌鳥獸官 詳
 見詩攷

漢韓詩外傳 詳見詩攷

韓詩內傳四卷 韓外傳六卷 韓詩外傳
 唐志韓詩十卷 韓詩外傳二十卷
 韓詩外傳 卷之十 韓詩外傳 卷之十一
 韓詩外傳 卷之十二 韓詩外傳 卷之十三
 韓詩外傳 卷之十四 韓詩外傳 卷之十五
 韓詩外傳 卷之十六 韓詩外傳 卷之十七
 韓詩外傳 卷之十八 韓詩外傳 卷之十九
 韓詩外傳 卷之二十

文目韓嬰之書至唐猶在今存十篇其遺說時見於
 他書 晁氏志外傳雖非經經之深者然文辭清
 有先秦風 記經解注韓詩內傳曰鸞在衡和在軾
 禮記疏引韓詩說 正義侯包云衛武公刺王室亦
 以自戒 金壘辟靡皆引韓詩說 周禮注詩傳佩玉
 上有葱衡下有雙璜疏謂韓詩 公羊傳注引韓詩傳
 白虎通韓詩內傳曰太子生以桑弧蓬矢六射上
 下四方內傳曰師臣者帝 文選注內傳桑弓蓬矢
 王者舞六代之樂舞四夷之樂大德廣之所及又內
 傳曰世子者何言世世不絕 水經注二南國按韓

嬰叙詩云其地在南郡南陽之間漢志注韓詩傳

云三月桃華水三禮義宗內傳天子奉王升柴

後漢志注韓詩序云云晁說之論引韓詩叙

漢小雅逸篇

後紀永平二年十二月壬子詔升歌鹿鳴下管新宮

見燕禮注新宮小雅逸篇也

逸詩並見詩攷

漢詩大義

匡衡傳學者上書篤衡事下太子太傅蕭望之少府

梁丘賀問衡對詩諸大義其對深美望之奏衡經學

精習宣帝不用皇太子見衡對私善之

漢詩細 詩譜 詩解

趙彞傳權受韓詩著吳越春秋詩細雁神淵蔡邕至

會稽讀詩細而歎息以為長於論衡隋志梁有詩

神泉一卷漢有道徵士趙擘撰鄭玄傳著毛詩

譜唐志鄭玄譜三卷隋志今書錄有叔求及劉注賦注

補隋志謝氏毛詩譜鈔一卷梁有韓詩譜二卷

吳太常卿徐整毛詩譜三卷又有毛詩卷賦譜

國史志詩譜世傳太叔求注不在祕府經典釋文

錄所稱徐整暢太叔求隱蓋整既暢演而求隱括之

求字訛也。歐陽脩詩法一卷。

宋均詩譜序云我先師

北海鄭司農又云夷厲已上歲數不明大史年表自

共和始歷宣幽平王而得春秋次第以立新譜漢

論語為之作序詩之序亦名譜也易有子夏序名以某列

源派清濁之所而則循其上下而省之欲知風化芳

臭氣澤之所及則傍行而觀之比詩之大綱也劉子唐

歐陽脩後序歷曆四年去使河東至絳州得之其

文有注而不見二氏自周公致太平以上皆亡之續

以孔氏正義之又因為之注自周公以下即用舊注况

詩譜十有五補其文字二百七增損改正者三百

十三而譜復完初脩未見鄭譜嘗畧考春秋文記
合以毛鄭之說為詩圖十四篇今因取以補鄭譜之
亡者景齋傳能理齊詩施氏易兼受河洛圖

緯作易說及詩解文句兼取河洛以類相從名為文
集又撰禮內外記號曰禮畧又抄風角作輿道一篇

文作月令章句著述五十餘萬言

漢毛詩序

後儒林傳衛宏好古學九江謝曼卿善毛詩讀

曼宏從曼卿受學因作毛詩序善得風雅之旨正

讀五

三

義三百一十一篇子夏作序史記漢書云三百五篇
闕其亡者以見在為數也 經典釋文沈重云按鄭
詩譜大序自風賦也子夏作小序子夏毛公合作
或云小序是東海衛敬叔所作 序錄宋周續之雷
次宗齊劉獻並為詩序義 隋志先儒相承謂毛詩
序子夏所創毛公及衛敬叔又加潤益顧歡等毛詩
集解序義一卷雷次宗序義二卷宋阮珍之序注一
卷劉焯集小序一卷劉獻等詩序義疏一卷 唐志
子夏序二卷以翼要十卷 韓愈議曰子夏
序詩之遺有三焉 蘇轍以毛詩序為衛宏作

和氏之舊止存其首一言餘皆刪去 晁說之曰
序詩者謂其叙子夏所作 宋文 辨說曰詩序或
為孔子或以為子夏或以為國史 皆無明文可考惟
後漢儒林傳以為衛宏作然鄭公又以為序本自合
為一編毛公始分實諸篇之首則毛之前其傳已久
宏持增廣潤色之耳近世諸儒又以序之首句為毛
公所分其下為後人所益理或一行之但今考其首句
則已有不得詩人之本意而肆之妄說者矣凡小序
詩文直指其事如甘棠定之方干南山桂林之屬若
見於書史如載馳頌人清人黃尚之類夾為無可疑

三
者惟序傳簡經辭噴三麟氏

魏毛詩義問

隋志毛詩義問十卷魏太子文王劉楨撰義明王
肅毛詩義駁八卷又毛詩奏事一卷問難二卷王基
駁一卷謝沉釋義十卷劉璠毛詩四義四卷毛詩箋傳
是非二卷吳韋昭朱育毛詩答雜問七卷晉郭璞毛
詩拾遺一卷梁何胤毛詩總集六卷隱義十卷晉楊
又雜義五卷殷仲堪雜義四卷梁武帝發題序義一
卷大義十一卷簡文十五國風義二十卷劉獻篇次
義一卷北史劉獻之注毛詩序義一卷劉芳毛詩

玉海卷之

十五

之

箋音義證十卷張思伯為毛詩
詩義二十卷顧越深明毛詩傍通
定之方中注仲梁子曰初立楚宣
問仲梁子何時人答曰先師魯人
前維天之命注孟仲子曰大哉
周之禮也正義譜云子思弟子子
仲子曰於穆不似斯十正義古者
已甲徒異讀絲衣序高子曰靈
志卷張逸云高子之言非毛公後
本有此文孟軻弟子有公孫丑者

句南史張議毛

異義也正義鄭志張逸
當六國時在毛公
天命之無極而美
思論詩於穆不已
似已字同於穆不
尾之尸也正義
人著之不云詩
稱高子之言趙

以為齊人

晉補亡詩 隋文中子

續詩

文選東廣徵補亡詩六首南陔

華華黍由庚崇丘

由儀注王隱晉書曰東哲字廣繼

為著作嘗覽周成

王詩有其義亡其辭惜其不備

作辭以補之晉傳

補亡詩行 勳世 糖誌 諫 昔 朱

氏集傳以鄉飲酒

禮燕禮考之曰笙曰樂曰奏而不

言歌則有聲而無

詞明矣意古經篇題之下必有譜

焉 文中子中說

續詩備六代有四名化政頌歎有

五志美勉傷惡戒

二百六十篇 列為十卷後亡其小

用 諸侯不貢詩天

子不採風樂官不達雅國史不明變斯則久矣詩可

以不續乎程元問六經之致子曰續善以存漢晉之

實續詩以辨六代之俗修元經以斷南北之疑讚易

道以申先師之旨正禮樂以旌後王之失 六代晉宋

後魏北齊後周隋

晉毛詩外傳

謝沈傳著毛詩外傳

隋志謝沈釋義義疏各十卷

晉詩評

釋文魏太常王肅述毛非鄭荊州刺史王基駁王肅

申鄭義晉豫州刺史孫毓為詩評毛鄭王肅三家固

正德二年... 王... 卷... 三...

異明於王徐州從事陳統難孫申鄭正義引孫毓評

王肅注駢一詩隋志王序錄孫毓詩同異評十卷

隋志梁崔靈恩集注二十四卷本傳云二梁武帝毛

詩大義一卷梁有毛詩圖三卷毛詩孔子經圖十二

卷毛詩古賢聖圖二卷釋文崔靈恩集注採三

家之本殷樂也用注為序文梁史許懋受毛

詩撰風雅比興義十五卷

唐二十五家詩

藝文志經錄三曰詩類二十五家三十一部三百三

十二卷始韓詩卜商序韓嬰注二十二卷韓詩有卜

商序韓嬰注又外傳翼要毛詩有毛萇鄭玄王肅業

導宋人張業詩立義多異世所不崔靈恩王元度之

傳箋譜注劉王孫楊陳謝之間駁評難辨釋元延明

之誼府張氏陸璣劉炫孔穎達之義疏魯世達鄭玄

諸家之音義終於毛詩正義不著錄三家始於纂義

次以毛詩指說斷章終於草木蟲魚圖凡三十三卷

隋志三十九部四百四十二卷 崇文目八部一

百十五卷 中興書目三十三家三百七十卷續日

十一家二百二十卷 文粹李行脩曰劉迅說詩三

三卷

三卷

三卷

三卷

三卷

三卷

三卷

三卷

千言言詩者尚之

唐詩正義

志毛詩正義四十卷孔穎達王德韶齊威等撰趙乾
壽賈普曜趙弘智等覆正宋熈化三年四正義序
近代為義疏者有全緩何胤舒爰劉軌思劉醜焯炫
等焯炫特為殊絕今據以為本削其所煩增其所簡
隋志義疏有謝沈十卷又釋義十卷張氏五卷舒
援二十卷沈重二十八卷又二十卷二十九卷十卷
十一卷二十八卷劉獻詩序義疏一卷劉炫述義四
十卷魯世達章句義疏四十卷隋書四十二卷春秋正義引陸璣毛詩

唐詩纂義

志毛詩纂義十卷許叔牙傳貞觀中遷弘文館直學
士於詩禮尤邃憲詩纂義十篇太子寫付司經御
大夫高智周見之曰欲明詩者宜先讀此

唐毛詩指說

志成伯瓊毛詩指說一卷唐高祖有詔命
及謝承毛詩斷章二卷取春秋詩凡百

元

唐草木蟲魚圖

毛詩物象圖

志毛詩草木蟲魚圖二十卷開成中文宗命集賢院
將撰并繪物象大寧士楊嗣復學士張次宗上之陸
璣毛詩草木蟲魚疏二卷吳大子脚歸子鷓鴒冷精
名賢畫錄六和中文宗好古重道以晉明
帝朝衙儀畫毛詩圖草木鳥獸古賢君臣之像不得
其真石程潛已圖之皆據經定名任意採掇由是冠
冕之製生植之姿遠無不詳幽無不顯

唐毛詩別錄

書目毛詩別錄一卷張新撰凡三千二篇毛鄭箋注
取其長者述而廣之

三遺皇太子講詩

三年三月癸卯諸三府侍講邢昺上言皇太子及臣
於殿內講毛詩久之賓客至李沆皆列坐其聽

天禧毛詩正紀

元祐詩傳補注

書目正紀三卷天禧中宋咸撰四十四篇論詩名篇數
以雅正變之類又外義二卷元祐四年六月十八
日吏部侍郎范百祿進補注二十卷詔付秘省

皇祐毛詩大義

皇祐中武功蘇才采鄭譜孔疏僅二百條分為三
卷劉宇為詩析衷二十卷凡一百六十八篇歐陽

備為毛詩本義一卷凡百十四篇 王安石新經
毛詩二十卷 梅堯臣毛詩小傳二十卷 蘇轍詩
解二十卷 程頤詩說二卷 邵雍遺集 蘇轍詩
詩辨疑一卷 陳少南詩解二十卷 胡旦毛詩演
聖通論二十卷

紹興毛詩叶韻補音

十卷紹興中吳棫撰自序云詩音舊有九家唐陸德
明以己見定為一家之學釋文是也所補之音皆陸
氏未叶者已叶者悉從陸氏 朱熹多所刊補 正義
曰詩之六體必須依韻其有與者古人之韻不協爾

朱氏曰周頌多不協韻

詩集傳

朱熹輯詩傳二十卷其序曰本之二南以求其端參
之列國以盡其變正之於雅以大其規和之於頌以
要其止此學詩之大旨也 呂祖謙讀詩記三十二卷

正義風雅之篇無一章者頌者述成功以告神故一
章而已魯頌不一章非告神之歌也商頌長發殷武
重章者或詩人之意所作不同 程大昌論曰詩有

南雅頌無國風其曰國風者非古也 君子之於詩
非徒誦其言又將以考其情性考先王之澤 正小
雅燕饗之樂也正大雅會朝之樂受釐陳戒之辭也
或歡欣和悅以盡羣下之情或恭敬齊莊以發先王
之德 朱子 孟子記孔子言詩以爲知道者二論語
記孔子弟子許其可與言詩者亦二
虞書言詩言志自后夔以來五聲八音所用以爲樂
皆主於詩舜作歌以謹天命而臯陶乃賡載歌世治
而相勉以善也五子述大禹之戒爲歌世亂而相警
以惡也列子言立戒蒸民莫匪爾極堯之時所謂詩

也書大傳言日月光華弘余一人舜之時所謂詩也
太師陳詩以觀風俗工以納言時而矚之學校教士
與禮樂書相參謂之四術至孔子始刪取著以爲經
小人歌之以貢其俗君子賦之以見其志聖人採
之以觀其變詩有天下之作有一國之作有神明之
作 文子

玉海卷第三十八



